

四庫全書

子部

欽定四庫全書

子部

證類本草卷二十三

詳校官太醫院院使_臣張肇基

編修_臣倉聖脈覆勘

總校官編修_臣王燕緒

校對官待詔_臣胡士震

謄錄監生_臣趙廷璋

繪圖監生_臣鄭曦

欽定四庫全書

證類本草卷二十三

宋 唐慎微 撰

果部三品總五十三種

九種神農本草經

一十五種名醫別錄

二種唐本先附

注云唐附

一十四種今附

皆醫家常用有效注云今附

一十三種陳藏器餘

凡墨蓋子已下並唐慎微續證類

品上豆蔻

豆蔻花山薑
花枸櫞續注

藕實莖

石蓮子附荷
鼻花葉續注

橘柚

自木部今移
核筋膜續注

大棗

生棗及
葉附

仲思棗

今附苦
棗續注

葡萄

栗軌

蓬蘽

力軌
切

覆盆子

莓子
續注

芡

音實
菱角
枝實也

橙子

今附

櫻桃

雞頭實

中梅實

葉根核
仁續注

木瓜

棋榿
續注

柿

蒂續
注

芋

葉續
注

烏芋

茨菰
續注

枇杷葉

子續
注

荔枝子

附今

乳柑子

附今

石蜜

乳糖也
唐附

甘蔗

音
柘

沙糖

唐附

枰

音
附今

下桃核仁

花梟毛
嘉皮
業膠實附

杏核仁

花實
附

安石榴

附根殼

梨

附鹿梨

林檎

附今

李核仁

附根實

楊梅

附今

胡桃

附今

獼猴桃

附今

海松子

附今

奈

菴羅果

附今

橄欖

音覽核中
仁附今附

楡梲

附今

榛子

附今

一十三種陳藏器餘

靈牀上果子

無漏子

都角子

文林郎子

木威子

摩厨子

懸鈎

鈎栗

石都念子

君遷子

韶子

榑子


諸果有毒

欽定四庫全書

卷二十三

四十種神農本草經等

宜州豆蔻



山薑花



上品豆蔻味辛溫無毒主溫中心腹痛嘔吐去口臭氣生

南海

陶隱居云味辛烈者為好甚香可常含之其五和糝素感切中物皆宜久煎薑溫中下氣益智熱枸

音矩椽音汾溫甘蕉麋音几目並小冷爾唐本注云豆蔻苗似山薑花黃白苗根及子赤似杜若枸椽性冷陶云溫誤爾今注此草豆蔻也下氣止霍亂臣禹錫等謹按蜀本圖經云苗似杜若春花花穗端如芙蓉四房生於莖下白色花開即黃根似高良薑實若龍眼而無鱗甲中如石榴子莖葉子皆味辛而香十月收今苑中亦種之藥性論云草豆蔻可單用能主一切冷氣陳藏器云山薑味辛溫去惡氣溫中中惡霍亂心腹冷痛功用如薑南人食之根及苗並如薑而大作樟木臭又有獐子薑黃色緊辛辣破血氣殊強此薑又云枸椽生嶺南大葉甘橘屬也子大如盞味辛酸性溫皮去氣除心頭痰水無別功日華子云豆蔻花熱無毒下氣止嘔逆除

霍亂調中補胃氣消酒毒又云山薑花暖無毒調中下氣消食殺酒毒

圖經曰

豆蔻即草豆蔻也生南海今嶺南皆有之苗似蘆葉似山薑杜若輩根似高良薑花作穗嫩葉

卷之而生初如芙蓉穗頭深紅色葉漸展花漸出而色漸淡亦有黃白色者南人多採以當果實尤貴其嫩者并穗入鹽同淹治疊疊作朶不散落又以木槿花同浸欲其色紅耳其作實者若龍眼子而銳皮無鱗甲中子若石榴辦候熟採之暴乾根苗微作樟木氣其山薑花莖葉皆薑也但根不堪食亦與豆蔻花相似而微小耳花生葉間作穗如麥粒嫩紅色南人取其木大開者謂之含胎花以鹽水淹藏入甜糟中經冬如琥珀色香辛可愛用其醢醋最相宜也又以鹽殺治暴乾者煎湯服之極能除冷氣止霍亂消酒食毒甚佳

雷公云

凡使須去蒂并向裏子後取皮用茱萸同於鍋內緩炒待茱萸微黃黑即去茱萸取草豆

蔻皮及子
杵用之

千金方

治心腹脹滿短氣以草豆蔻一兩
去皮為末以木瓜生薑湯下半錢

海藥云

豆蔻生交趾其根似益智皮殼小厚核如石榴
辛且香藹草樹也葉如茱蘭而小三月採其葉


細破陰乾之味
近苦而有甘

衍義曰

豆蔻草豆蔻也氣味極辛微香此是對肉豆蔻
而名之若作果則味不和不知前人之意編入

果部有何意義性溫而調散冷氣力甚速花性熱淹置
京師然味不甚美微苦必為能消酒毒故為果花乾則
色淡
紫

藕 實



藕實莖味甘平寒無毒主補中養神益氣力除百疾久服輕身耐老不飢延年一名水芝丹一名蓮生汝南池

澤八月採

陶隱居云此即今蓮子八月九月取堅黑者乾擣破之花及根並入神仙用今云莖恐即

是根不爾不應言甘也宋帝時太官作血蝸音勸庖人削藕皮誤落血中遂皆散不凝醫乃用藕療血多効也唐本注云別錄云藕主熱渴散血生肌久服令人心歡臣禹錫等謹按蜀本圖經云此生水中葉名荷圓徑尺餘爾雅云荷芙蕖其莖茄其葉葢其本莖其華菡萏其實蓮其根藕其中的的中薏是也爾雅釋曰芙蕖其總名也別名芙蓉江東人呼荷菡萏蓮葉也的蓮實也薏中心也郭云莖莖下白弱在泥中者今江東人呼荷華為芙蓉北方人便以藕為荷亦以蓮為荷蜀人以藕為茄或用其母為華名或用根子為母葉號此皆名相錯

習俗傳誤失其正體也陸璣疏曰蓮青皮裏白子為的
的中青為薏味甚苦故里語云苦如薏是也藥性論
云藕汁亦單用味甘能消瘀血不散節擣汁主吐血不
止口鼻並皆治之孟詵云藕生食之主霍亂後虛渴煩
悶不能食其產後忌生冷物惟藕不同生冷為能破血
故也又蒸食甚補五藏實下膳與蜜同食令人腹藏肥
不生諸蟲亦可休糧仙家有貯石蓮子及乾藕經千年
者食之至妙矣又云蓮子性寒主五藏不足傷中氣絕
利益十二經脈血氣生食微動氣蒸食之良又熟去心
為末蠟蜜和丸日服三十九令人不飢此方仙家用爾
又雁腹中者空腹食十枚身輕能登高涉遠雁食糞於
田野中經年尚生又或於山巖之中止息不逢陰雨經
久不壞又諸鳥猿猴不食藏之石室內有得三百餘年
者逢此食永不老矣其房荷葉皆破血陳藏器云藕實
蓮也本功外食之宜蒸生則脹人腹中薏令人吐食當
去之經秋正黑者名石蓮入水必沈惟煎鹽鹵能浮之

石蓮山海間經百年不壞取得食之令髮黑不老藕本
功外消食止洩除煩解酒毒壓食及病後熱渴又云荷
鼻味苦平無毒主安胎去惡血留好血血痢煮服之即
荷葉蒂也又葉及房主血脹腹痛產後胎衣不下酒煮
服之又主食野菌毒水煮服之鄭玄云芙蕖之莖曰荷
的中薏食之令人霍亂陳士良云蓮子心生取為末以
米飲調下二錢療血渴疾產後渴疾服之立愈日華子
云藕溫止霍亂開胃消食除煩止悶口乾渴疾止怒令
人喜破產後血悶生研服亦不妨擣罾金瘡并傷折止
暴痛蒸煮食大開胃節冷解熱毒消瘀血產後血悶合
地黃生研汁熱酒并小便服並得又云蓮子溫并石蓮
益氣止渴助心止痢治腰痛治泄精安心多食令人喜
又名蓮的蓮子心止霍亂又云蓮花暖無毒鎮心輕身
益色駐顏入香甚妙忌地黃蒜又云荷葉止渴落胞殺
毒并產後口乾心肺
燥煩悶入藥灸用之

圖經曰

藕實莖生汝南池澤今處處有之生水中其葉名荷謹按爾雅及陸璣疏謂荷為芙蕖江東呼

荷其莖茄其葉蓮加蓮二音或作葢其本莖士筆切莖下白藕音若在泥中者其華未發為菡萏已發為芙蓉其實蓮蓮謂房也其根藕幽州人謂之光旁至深益大如人臂其中的蓮中子謂青皮白子也中有青長二分為薏中心苦者是也凡此數物今人皆以中藥藕生食其莖主霍亂後虛渴煩悶不能食及解酒食毒花鎮心益顏色入香尤佳荷葉止渴殺葷毒今婦人藥多有利用荷葉者葉中蒂謂之荷鼻主安胎去惡血留好血實主益氣具的至秋來皮黑而沈水者謂之石蓮陸璣云可磨為豉如米飯輕身益氣令人強健醫人炒末以止痢治腰痛又治噦逆以實仁六枚炒赤黃色研末冷熱水半盞和服便止惟苦薏不可食能令霍亂大抵功用主血多效乃因宋太官作血蝨庖人削藕皮誤落血中遂散不疑自此醫家方用主血也

聖惠方

治時氣煩渴用生藕汁一中盞入生蜜一合令勻分為二服

又方

治食蟹中毒以生藕汁或煮乾蒜汁或冬瓜汁並佳

又方

治撲打墜損惡血攻心悶亂疼痛以火乾荷葉五斤燒令煙盡細研食前以童子熱小便一小盞調

三錢匕

日三服

又方

益耳目補中聰明強志蓮實半兩去皮心細研先煮令熟次以粳米三合作粥候熟入蓮實攪勻食

之

千金方

治墜馬積血心腹唾血無數乾藕根末酒服方寸匕日三

肘後方

今易產蓮華一葉書人字辰之立產

經驗後方

主吐血咯血以荷葉焙乾為末米湯下二錢匕

梅師方

治產後餘血不盡奔上衝心煩悶腹痛以生藕汁二升飲之

孫真人

蓮子不去心食成霍亂

食醫心鏡

藕實味甘平無毒主補中養神益氣力除百病久服令人歡心止渴去熱輕身耐老不飢

延年其根止熱渴破留血生肌久服令人悅澤矣

救急方

治產後血不盡疼悶心痛荷葉熬令香為末煎水下方寸匕

集驗方

治漆瘡取蓮葉乾者一斤水一斗煮取五升洗瘡上日再差

詩疏

的五月中生蓮脆至秋來皮黑的成可食可摩以為飯如粟飯輕身養氣令人強健又可為粥

唐書

姜撫言服常春藤使白髮還鬚則長生可致藤生太湖最良終南往往有之不及也帝遣使者至太

湖多取以賜中朝老臣又言終南山有旱藕餌之延年狀類葛粉帝作湯餅賜大臣右驍衛將軍甘守誠能詩藥石曰常春者千歲齒也旱藕壯蒙也方家久不用撫易名以神之

太清諸草木方

七月七日採蓮花七分八月八日採根八分九月九日採實九分陰乾擣篩服

方寸匕令
人不老

華山記

華山頂有池生千葉蓮花服之羽化

衍義曰

藕實就蓬中乾者為石蓮子取其肉於砂盆中乾擦去浮上赤色留青心為末少入龍腦為湯


點寧心志清神然亦有粉紅千葉白千葉者皆不實如此是有四等也其根惟白蓮為佳今禁中又生碧蓮亦

一瑞也

橘



柚



橘柚味辛溫無毒主胃中瘕熱逆氣利水穀下氣止嘔
欬除膀胱留熱停水五淋利小便主脾不能消穀氣衝
胃中吐逆霍亂止洩去寸白久服去臭下氣通神輕身

長年一名橘皮生南山川谷生江南十月採

陶隱居云此是說其

皮之功爾以東橘為好西江亦有而不如其皮小冷療
氣乃言勝橘此人亦用之並以陳者為良其肉味甘酸
食之多痰恐非益也今此雖用皮既是果類所以猶宜
相從柚子皮乃可服而不復入藥用此應亦下氣唐本
注云柚皮厚味甘不如橘皮味辛而苦其肉亦如橘有
甘有酸酸者名胡甘今俗人或謂橙為柚非也按呂氏
春秋云果之美者有雲夢之柚郭璞云柚似橙而大於
橘孔安國云小曰橘大曰柚皆為甘也今注自木部今

移臣禹錫等謹按藥性論云橘皮臣味苦辛能治胃膈間氣開胃主氣痢消痰涎治上氣欬嗽陳藏器云橘柚本功外中實冷酸者聚痰甜者潤肺皮堪入藥子非宜人其類有朱柑乳柑黃柑石柑沙柑橘類有朱橘乳橘塌橘山橘黃淡子此輩皮皆去氣調中實總堪食就以乳柑為上本經合入果部宜加實字入水部非也嶺南有柚大如冬瓜孟詵云橘止泄痢食之下食開胃膈痰實結氣下氣不如皮穰不可多食止氣性雖溫止渴又乾皮一斤搗為末蜜為丸每食前酒下三十九治下焦冷氣又取陳皮一斤和杏仁五兩去皮炙熬如少蜜為丸每日食前飲下三十九下腹臟間虛冷氣腳氣衝心心下結硬恙主之日華子云橘味甘酸止消渴開胃除胃中膈氣又云皮暖消痰止嗽破癥瘕瘰癧又云核治腰痛膀胱氣腎冷炒去殼酒服良橘囊上筋膜治渴及吐酒炒煎湯飲甚驗也又云柚子無毒治妊孕人喫食少并口淡去胃中惡氣消食去腸胃氣解酒毒治飲

酒人
口氣

圖經曰

橘柚生南山川谷及江南今江浙荆襄湖嶺皆有之木高一二丈葉與枳無辨刺出於莖間夏

初生白花六月七月而成實至冬而黃熟乃可噉舊說小者為橘大者為柚又云柚似橙而實酢大於橘孔安國注尚書厥包橘柚郭璞注爾雅柚條皆如此說又閩中嶺外江南皆有柚北橘黃白色而大襄唐間柚色青黃而實小皆味酢皮厚不堪入藥今醫方乃用黃橘青橘兩物不言柚豈青橘是柚之類乎然黃橘味辛青橘味苦本經二物通云味辛又云一名橘皮又云十月採都是今黃橘也而今之青橘似黃橘而小與舊說大小苦辛不類則別是一種耳收之並去肉暴乾黃橘以陳久者入藥良古今方書用之最多亦有單服者取陳皮搗末蜜和丸食前酒吞三十九梧子大主下焦積冷亦可并杏子仁合丸治腸間虛冷脚氣衝心心下結硬者

悉主之而青橘主氣滯下食破積結及膈氣方用之與黃橘全別凡橘核皆治腰及膀胱腎氣炒去皮酒服之良肉不宜多食令人痰滯又乳柑橙子性皆冷並其類也多食亦不宜人今人但取其核作塗面藥餘亦稀用故不悉載又有一種枸音矩亦音鉤櫟音洽如小瓜狀皮若橙而光澤可愛肉甚厚切如蘿蔔雖味短而香氣大勝柑橘之類置衣笥中則數日香不散古作五和糝素感切所用陶隱居云性溫宜人今閩廣江西皆有彼人但謂之香櫟子或將至都下亦貴之

雷公曰

凡使勿用抽皮皺子皮其二件用不得凡修事須去白膜一重細剉用鯉魚皮裹一宿至

明出用其橘皮年深者最妙

肘後方

治卒失聲聲咽不出橘皮五兩水三升煮取一升去滓頓服

又方

治食魚中毒濃
煮橘皮飲汁

經驗後方

治膈下冷氣及酒食飽滿常服青橘皮四兩
鹽一兩分作四分一分無用湯浸青橘皮一

宿澼出去穰又用鹽三分一處拌和勻候良久銚子內
炒微焦為末每服一錢半茶末半錢水一盞煎至七分

候溫常服不用入
茶沸湯點亦妙

又方

治婦人產後氣逆以青橘皮
為末蔥白童子小便煎服之

食醫心鏡云

主胃中大熱下氣消痰化食橘皮
半兩微熬作末如茶法煎服之

又方

治卒食噎以陳皮一兩湯浸去穰培
為末以水一大盞煎取半盞熱服

又方

治吹奶不痒不痛腫硬如石以青橘皮一
兩湯浸去穰培為末非時溫酒下神驗

孫尚藥方

治諸吃噎橘皮二兩湯浸去瓢剉以水二升煎之五合通熱頓服更加枳殼一兩去瓢炒

同煎之

服效

集驗方

治腰痛不可忍橘子人炒研為末每服一錢酒一盞煎至七分和滓空心服

列子

吳楚有大木名櫟碧樹而冬生實丹而味酸食皮汁止憤厥之疾

尚書注

小曰橘大曰柚揚州者為善故錫貢也

衍義曰

橘柚自是兩種故曰一名橘皮是元無柚字也豈有兩等之物而治療無一字別者即知柚一

字為誤後人不深求其意謂柚字所惑妄生分別亦以過矣且青橘與黃橘治療尚別矧柚為別種也郭璞云柚似橙而大於橘此即是識橘柚者也今若不如此言之恐後世亦以柚皮為橘皮是貽無窮之患矣去古既

遠後之賢者亦可以意逆之耳橘惟用皮與核皮天下甚所須也仍湯浸去穰餘如經與注核皮二者須早收為佳有人患氣嗽將期或教以橘皮生薑焙乾神麴等分為末丸桐子大食後夜卧米飲服三五十丸兼舊患也腎症腰痛膀胱氣痛微炒核去殼為末酒調服愈

--	--	--	--	--	--	--	--

大棗



大棗味甘平無毒主心腹邪氣安中養脾助十二經平
胃氣通九竅補少氣少津液身中不足大驚四肢重和
百藥補中益氣強力除煩悶療心下懸腸癰久服輕身
長年不飢神仙一名乾棗一名美棗一名良棗八月採
暴乾

三歲陳核中仁燐

音煩

之味苦主腹痛邪氣

生棗味甘辛多食令人多寒熱羸瘦者不可食

葉覆麻黃能令出汗生河東平澤

殺烏頭毒陶隱居云舊云河東猗氏縣棗

特異今青州出者形大核細多膏甚甜鬱州玄市亦得之而鬱州者亦好小不及爾江東臨沂金城棗形大而虛少脂好者亦可用南棗大惡殆不堪噉道家方藥以棗為佳餌其皮利肉補虛所以合湯皆擘之也唐本注云別錄云棗葉散服使人瘦久即嘔吐指熱癰瘡良臣禹錫等謹按孟詵云乾棗溫主補虛液強志三年陳者核中仁生惡氣卒症忤又療耳聾鼻塞不聞音聲香臭者取大棗十五枚去皮核草麻子三百顆去皮二味和搗綿裹塞耳鼻日一度易二十餘日聞聲及香臭先治耳後治鼻不可並塞之又方巴豆十粒去殼生用松脂同搗綿裹塞耳又云洗心腹邪氣和百藥毒通九竅補不足氣生者食之過多令人腹脹蒸食補腸胃肥中益氣第一青州次蒲州者好諸處不堪入藥小兒患秋痢與蟲棗食良日華子云乾棗潤心肺止嗽補五藏治虛勞損除腸胃癖氣和光粉燒治疳痢牙齦有病入切忌啖之凡棗亦不宜合生蔥食又云棗葉溫無毒治小

兒壯熱煎湯浴和葛粉
衰癘子佳及治熱瘤也

圖經曰

大棗乾棗也生棗並生河東今近北州郡皆有而青晉絳州者特佳江南出者堅燥少脂謹按

棗之類最多郭璞注爾雅棗壺棗云今江東呼棗大而銳上者為壺壺猶瓠也邊腰棗云子細腰今謂之鹿盧棗齊子兮切白棗云即今棗子白乃熟棗酸棗云木小實酢者遵羊棗云實小而圓紫黑色今俗呼之為羊矢棗洗大棗云今河東猗氏縣出大棗子如雞卵蹶泄苦棗云子味苦者皆無實棗云不著子者還味棗而審切園園皆種蒔之亦不能盡別其名又其極美者則有水菱棗御棗之類皆不堪入藥蓋肌實輕虛暴服之則枯敗惟青州之種特佳雖晉絳大實亦不及青州者之肉厚也並八月採暴乾南郡人煮而後暴及乾皮薄而皺味更甘於它棗謂之天蒸棗然不堪入藥又有仲思棗

大而長有一二寸者正紫色細文小核味甘重北齊時有仙人仲思得之因以為名隋大業中信都郡嘗獻數顆近世稀復有之又廣州有一種波斯棗木無旁枝直聳三四丈至巔四向共生十餘枝葉如椶櫚彼土亦呼為海棗本三五年一著子都類北棗但差小耳舶商亦有攜本國生者至南海與此地人食之云味極甘似此中天蒸棗之類然其核全別兩頭不尖雙卷而圓如小塊紫礦種之不生疑亦蒸熟者近亦少有將來者

食療云

棗和桂心白瓜仁松樹皮為丸久服香身并衣亦香軟棗溫多食動風發冷風并欬嗽

聖惠方

令髮易長東行棗根三尺橫安甌上蒸之兩頭汗出收之傅髮即長

又方

治傷中筋脈急上氣欬嗽用棗二十枚去核以酢四兩微火煎入棗肉中泣盡酥常含一枚微微嗽

之

外臺祕要

痔發疼痛肥大棗一枚剥去皮取水銀掌中以唾研令極熟傅棗瓢上內下部差

肘後方

主下部蟲痒蒸大棗取膏以水銀和捻長三寸以綿裹宿內下部中明日蟲皆出

梅師

治妊娠四五月忽腹絞痛以棗十四枚燒令焦為末以小便服

孫真人

云脾病宜食

又方

生棗食之令人氣滿脹作寒熱

服氣精義云

常含棗核受氣令口行津液佳令人受氣生津液

何晏九州論曰

安平好棗中山好栗魏郡好杏河內好稻真定好梨

吳氏本草

棗主調中益脾氣令人好顏色美志氣

神異經曰

北方荒中有棗林焉其高五丈數張枝條一里餘子長六七寸圍過其長熟赤如朱乾之

不縮氣味甘潤殊於常棗

食之可以安軀益氣力

衍義曰

大棗今先青州次晉州此二等可熬暴入藥益脾胃為佳餘止可充食用又云御棗甘美輕脆

後衆棗熟以其甘故多主蟲今人所謂撲落酥者是又有牙棗先衆棗熟亦甘美但微酸尖長此二等止堪啗不堪收暴今人將乾棗去核於鑊鍋中微火緩逼乾為末量多少入生薑末為湯點服調和胃氣又將煮棗肉和治脾胃丸藥尤佳又青州棗去皮核焙乾為棗直達都下為奇果

仲思棗味甘溫無毒主補虛益氣潤五藏去痰嗽冷氣久服令人肥健好顏色神仙不飢形如大棗長一二寸

正紫色細文小核味甘重北齊時有仙人仲思得此棗
因以為名隋大業中信都郡獻數顆又有千年棗生波
斯國亦稍溫補非此之儔也

今附臣禹錫等謹按爾雅

云棗壺棗邊要棗檇白棗
楓酸棗楊徹齊棗遵羊棗洗大棗煑填棗蹶泄苦棗哲
無實棗還味稔棗釋曰壺棗者棗形似壺也郭云今江
東呼棗大而銳上者為壺壺猶瓠也邊大而腰細者名
邊要棗郭云子細腰今謂之鹿盧棗棗子白熟者名檇
樹小而實酢者名楓棗遵一名羊棗郭云實小而圓紫
黑色今俗呼之為羊矢棗洗最大之棗名也郭云今河
東猗氏縣出大棗子如雞卵蹶泄者味苦之棗名也哲
者無實之棗名也還味者短味也收煑並未詳陳士良
云苦棗大寒無毒棗中苦者是也人多不食主傷寒熱
伏在臟腑狂蕩煩滿大小便秘澀取肉煑研為蜜丸藥

佳今處
處有之

葡萄



葡萄味甘平無毒主筋骨濕痺益氣倍力强志令人肥健耐飢忍風寒久食輕身不老延年可作酒逐水利小

便生隴西五原燉煌山谷

陶隱居云魏國使人多齎來狀如五味子而甘美可作酒

云用其藤汁殊美好北國人多肥健耐寒蓋食斯乎不植淮南亦如橘之變於河北矣人說即此間蘼於乘切
蘼於六切恐如彼之枳類橘耶唐本注云蘼蘼與葡萄相似然蘼蘼是千歲蘼葡萄作酒法總收取子汁釀之自成酒蘼蘼山葡萄並堪為酒陶云用藤汁為酒謬矣臣禹錫等謹按蜀本圖經云蔓生苗葉似蘼蘼而大子有紫白二色又有似馬乳者又有圓者皆以其形為名又有無核者七月八月熟子釀為酒及漿別有法謹按蘼蘼是山葡萄亦堪為酒孟詵云葡萄不問土地但收之釀酒皆得美好或曰子不堪多食令人卒煩悶眼闇

根濃煮汁細細飲之止嘔噦及霍亂後惡心妊孕人子止衝心飲之即下其胎安藥性論云葡萄君味甘酸除腸間水氣調下治淋通小便段成式酉陽雜俎云葡萄有黃白黑三種成熟之時子實逼側也

圖經曰

葡萄生隴西五原燉煌山谷今河東及近京州郡皆有之苗作藤蔓而極長大盛者一二本綿

被山谷間花極細而黃白色其實有紫白二色而形之圓銳亦二種又有無核者皆七月八月熟取其汁可以釀酒謹按史記云大宛以葡萄為酒富人藏酒萬餘石久者十數歲不敗張騫使西域得其種而還種之中國始有蓋此果之最珍者魏文帝詔羣臣說葡萄云醉酒宿醒掩露而食甘而不飴酸而不酢冷而不寒味長汁多除煩解渴他方之果寧有匹之者今太原尚作此酒或寄至都下猶作葡萄香根苗中空相通圃人將慎之欲得厚利暮溉其根而晨朝水浸子中矣故俗呼其苗為木通逐水利小腸尤佳今醫家多暴收其實以治時


氣發瘡癰不出者研酒飲之甚效江東出一種實細而味酸謂之蓰蓰子

衍義曰

葡萄先朝西夏持師子來獻使人兼齋葡萄遺州郡比中國者皆相似最難乾不乾不可收仍

酸澌不可食李白所謂胡人歲獻葡萄酒者是此瘡疤不出食之盡出多食皆昏人眼波斯國所出大者如雞卵

栗 子



栗味鹹溫無毒主益氣厚腸胃補腎氣令人耐飢生山

陰九月採

陶隱居云今會稽最豐諸暨音既栗形大皮厚不美剡時冉切及始豐皮薄而甜相傳有

人患脚弱往栗樹下食數升便能起行此是補腎之義然應生嗽之若餌服故宜蒸暴之唐本注云栗作粉勝於菱芡音儉嚼生者塗瘡上療筋骨斷音段碎疼痛腫瘀血有效其皮名扶搖為散蜜和塗內令急縮毛脫療火丹療毒腫實飼孩兒令齒不生樹白皮水煮汁主溪毒臣禹錫等謹按蜀本圖經云樹高二三丈葉似櫟花青黃色似胡桃花實大者如拳小如桃李又有板栗佳栗二樹皆大又有茅栗似板栗而細其樹雖小然葉與諸栗不殊惟春生夏花秋實冬枯今所在有之孟詵云栗子生食治腰脚蒸炒食之令氣擁患風水氣不宜食又樹皮主痺瘡毒謹按宜日中暴乾食即下氣補益不爾猶有木氣不補益就中吳栗大無味不如北栗也其

上薄皮研和蜜塗面展皺又穀煮汁飲之止反胃消渴
今所食生栗可於熱灰火中煨令汗出食之良不得通
熱熱則擁氣生即發氣故火煨殺其木氣耳陳士良云
栗有數種其性一類三類一迷其中者栗楮也理筋骨
風痛日華子云栗楮生食破冷瘕癖日生喫七箇又生
嚼罾可出箭頭亦罾惡刺并傳療癰腫毒痛樹皮煎汁
治沙蟲溪毒
穀煮治瀉血

圖經曰

栗舊不著所出州土但云生山陰今處處有之
而兗州宣州者最勝木極類櫟花青黃色似胡

桃花實有房彙若拳中子三五小者若桃李中子惟一
二將熟則罅拆子出凡栗之種類亦多詩云樹之華音
榛栗陸璣疏云栗五方皆有之周秦吳揚特饒吳越被
城表裏皆栗惟濮陽及范陽栗甜美而且味長他方者
悉不及也倭韓國諸島上栗大如雞子亦短味不美桂
陽有華而叢生實大如杏子中仁皮子形色與栗無異

也但差小耳又有與栗皆與栗同子圓而細或云即葦也今此色惟江湖有之又茅栗佳栗其實更小而木與栗不殊但春生夏花秋實冬枯為異耳栗房當心一子謂之栗揆治血尤效今衡山合活血丹用之果中栗最有益治腰脚宜生食之仍畧暴乾去其木氣惟患風水氣不宜食以其味鹹故也殼煮汁飲止反胃及消渴木皮主瘡毒醫家多用

外臺祕要

治小兒疳瘡
栗子嚼傳之

肘後方

丹者惡毒之瘡五色無常治之及栗皮有刺者洗之佳

又方

治熊虎爪甲所傷嚼栗傳之

經驗後方

治腎虛腰脚無力生栗袋盛懸乾每日平明喫十餘顆次喫猪腎粥

孫真人云

栗味鹹腎
病宜食

勝金方

治馬汗入肉血瘡
用栗肉嚼傅之

衍義曰

栗欲乾莫如曝欲生收莫如潤沙中藏至春末
夏初尚如初收摘小兒不可多食生者難化熟

即滯氣膈食生蟲往往致小兒病人亦不知所謂補腎
氣者以其味鹹又滯其氣爾湖北路有一種栗頂起末
尖謂之旋栗圖經引詩言
莘音榛栗者謂其象形也

成州蓬蘽



蓬蘽

力軌切

味酸鹹平無毒主安五藏益精氣長陰令堅

強志倍力有子又療暴中風身熱大驚久服輕身不老

一名覆盆一名陵蘽一名陰蘽生荆山平澤及宛句

陶隱

居云李云即是人所食莓音茂爾今注是覆盆苗莖也陶言蓬蘽是根名乃昌容所服以易頗者蓋根苗相近爾李云莓也按切韻莓是覆盆草也又蘽者藤也今據蓬蘽之名明其藤蔓也唐本注云蓬蘽覆盆一物異名本謂實而非根此亦誤矣亦如蜀漆與常山異條芎藭與蘼蕪各用今此附入果部者蓋其子是覆盆也臣禹錫等謹按陳士良云諸家本草皆說是覆盆子根今觀採取之家按草本類所說自有蓬蘽似蠶莓子紅色其葉似野薔薇有刺食之酸甘恐諸家不識誤說是覆盆也

圖經曰

蓬蘽覆盆苗莖也生荆山平澤及宛句覆盆子舊不著所出州土今並處處有之而秦吳地尤

多苗短不過尺莖葉皆有刺花白子赤黃如半彈丸大而下有莖承如柿蒂狀小兒多食其實五月採其苗葉採無時江南人謂之莓然其地所生差晚三月始有苗八九月花開十月而實成功用則同古方多用亦罕其子取汁合膏塗髮不白按葉絞汁滴目中去膚赤有蟲出如絲線便效昌容服之以易顏其法四五月候甘實成採之暴乾搗篩水服三錢安五藏益精強志倍力輕體不老久久益佳崔元亮海上方著此三名一名西國草一名畢楞伽一名覆盆子治眼暗不見物冷淚漫流不止及青盲天行目暗等取西國草日暴乾搗令極爛薄綿裹之以飲男乳汁中浸如人行八九里久用點目中即仰卧不過三四日視物如少年禁酒油麵

陳藏器云

變白不老佛說云蘇蜜那花點燈正言此花也罕取汁合成膏塗髮不白食其子令

人好顏色葉按絞取汁汁滴目中去膚赤有蟲出如絲線其類有三種四月熟甘美如覆盆子者是也餘不堪入藥今人取茅莓當覆盆誤矣

唐本餘

耐寒濕好顏色

衍義曰

蓬蘽非覆盆也自別是一種雖枯敗而枝梗不散今人不見用此即賈山策中所言者是此也

覆盆子味甘平無毒主益氣輕身令髮不白五月採

陶隱

居云蓬蘽是根名方家不用乃昌容所服以易顏者也覆盆是實名李云是莓子乃似覆盆之形而以津汁為味其核微細藥中用覆盆子小異此未詳孰是唐本注云覆盆蓬蘽一物異名本謂實非根也李云莓子近之矣其根不入藥用然生處不同沃地則子大而甘瘠地則子細而酸此乃子有甘酸根無酸味陶景以根酸子

甘將根入果重出子條味為孟浪今注蓬蘽乃覆盆之
苗也覆盆乃蓬蘽之子也陶注唐注皆非今用覆盆子
補虛續絕強陰健陽悅澤肌膚安和藏腑溫中益力療
勞損風虛補肝明目臣禹錫等謹按蜀本注李云是蓬
蘽子也陶云蓬蘽子津味與覆盆子小異而云味審乃
慎之至也蘇云覆盆蓬蘽一物也而云剝出此條者亦
非也今據蓬蘽即莢也按切韻莢音茂其子覆盆也又
按蘽者藤也今此云覆盆子則不言其蔓藤也前曰蓬
蘽則不言其子實也猶如芡莢與薔薔異條附子與烏
頭殊用藥性論云覆盆子臣微熱味甘辛能主男子腎
精虛竭女子食之有子主陰痿能令堅長孟詵云覆盆
子味酸五月於麥田中得之良採得及烈日曬乾免爛
不堪江東亦有名懸鉤子大小形異氣味功力同此土
即無懸鉤南地無覆盆是土地有前後生非兩種物耳
陳藏器云竿取汁合成膏塗髮不白食其子令人好顏
色葉按絞取汁滴目中去膚赤有蟲出如絲線陳士良

云蓬蘽似蠶莓大覆盆小其苗各別日華子云莓子安
五藏益顏色養精氣長髮強志療中風身熱及驚又有
樹莓即是
覆盆子

圖經

文具蓬
蘽條下


雷公曰

凡使用東流水淘去黃葉并皮蒂盡子用酒
蒸一宿以東流水淘兩遍又曬乾方用為妙
也

衍義曰

覆盆子長條四五月紅熟秦州甚多永興華州
亦有及時山中人採來賣其味酸甘外如荔枝
櫻桃許大軟紅可愛失採則就枝生蛆益腎藏小便服
之當覆其溺器如此取名食之多熟收時五大分熟便
可採烈日曝仍須薄綿蒙之今人取汁作煎為果仍少
加蜜或熬為稀湯點服治肺虛寒採時着水則不堪煎

芡實



艾音實味甘平無毒主安中補五臟不飢輕身一名菱

音陵陶隱居云廬江間最多皆取火燔以為米充糧今多蒸暴蜜和餌之斷穀長生水族中又有菰音孤首性冷恐非上品被霜後食之令陰不強又不可雜白蜜食令生蟲也唐本注云艾作粉極白潤宜人臣禹錫等謹按蜀本圖經云生水中葉浮水上其花黃白色實有二種一四角一兩角孟詵云菱實仙家蒸作粉蜜和食之可休糧水族之中此物最不能治病又云令人臟冷損陽氣痿莖可少食多食令人腹脹滿者可煖酒和薑飲一兩蓋即消矣

圖經曰

艾菱實也舊不著所出州土今處處有之葉浮水上花黃白色花落而實生漸向水中乃熟實

有二種一種四角一種兩角兩角中又有嫩皮而紫色者謂之浮菱食之尤美江淮及山東人曝其實人以為

米可以當糧道家蒸作粉蜜漬食之以斷穀水
果中此物最治病解丹石毒然性冷不可多食

食療

神仙家用發冷氣人含吳茱萸
黃其津液消其腹脹矣

周禮疏

屈到嗜芰
即菱角也

衍義曰

芰今世俗謂之菱角所在有煮熟取仁食之代
糧不益脾又有水菱亦芰也但大而脆可生食
和合治療未聞其用有人食生
芰多則痢久難化是亦性冷

橙子皮味苦辛溫作醬醋香美散腸胃惡氣消食去胃

中浮風氣其瓢味酸去惡心不可多食傷肝氣又以瓢
洗去酸汁細切和鹽蜜煎成膏食之去胃中浮風其樹

亦似橘樹而葉大其形圓大於橘而香皮厚而皺八月

熟

今附臣禹錫等謹按陳士良云橙子暖無毒行風氣發虛熱療癰氣發癰瘰殺魚蟲毒不與猪肉同食發

頭旋

惡心

圖經

文具橘
柚條下


食療

溫去惡心胃風取其皮和鹽貯之
又瓢去惡氣和鹽蜜細細食之

衍義曰

橙子皮今人止為果或取皮合湯侍
賓未見入藥宿酒未醒食之速醒

桃 櫻



櫻桃味甘主調中益脾氣令人好顏色美志

陶隱居云此即今朱

櫻味甘酸可食而所主又與前櫻桃相似恐醫家濫載之未必是今者爾又胡頹子凌冬不彫子亦應益人或云寒熱病不可食唐本注云葉搗傅蛇毒絞葉汁服防蛇毒內攻臣禹錫等謹按孟詵云櫻桃熱益氣多食無損又云此名櫻非桃也不可多食令人發闇風東行根療寸白虵蟲陳士良云櫻桃平無毒日華子云櫻桃微毒多食

令人吐

圖經曰

櫻桃舊不著所出州土今處處有之而洛中南都者最勝其實熟時深紅色者謂之朱櫻正黃

明者謂之蠟櫻極大者有若彈丸核細而肉厚甚難得也食之調中益氣美顏色雖多無損但發虛熱耳惟有間風人不可噉噉之立發其葉可搗傅蛇毒亦絞汁服東行根亦殺白寸虵蟲其木多陰最先百果而熟故古

多貴之謹按唐傳引吳晉本草曰櫻桃一名朱棗一名麥甘酣今本草無此名乃知有脫漏多矣又爾雅云楸吉點切荆桃郭璞云今之櫻桃而孟詵以為櫻非桃類未知何據

食療

云溫多食有所損令人好顏色美志此名櫻桃俗名李桃亦名柰桃者是也甚補中益氣主水

穀痢止泄精東引根治蛇蟲

司馬相如賦

山朱櫻即櫻桃也

禮記

謂之含桃

爾雅

謂之荆桃

衍義曰


櫻桃孟詵以為櫻非桃類然非桃類蓋以其形肖桃故曰櫻桃又何疑焉謂如木猴梨胡桃之

欽定四庫全書

卷二十三

類亦取其形相似爾古謂之哈桃可薦宗廟禮云先薦
寢廟者此唐王維詩云纔是寢園春薦後非干御苑
鳥銜殘小兒食之纔過多無不作熱此果在三月末四
月初間熟得正陽之氣先諸果熟性故熱今西洛一種
紫櫻至熟時正紫色皮裏間有細碎黃點
此最珍也今亦上供朝廷藥中不甚須

雞頭實



雞頭實味甘平無毒主濕痺腰脊膝痛補中除暴疾益精氣強志令耳目聰明久服輕身不飢耐老神倍一名

雁喙實一名芡

音儉

生雷澤池澤八月採

陶隱居云此即今薦音葦子形

上花似雞冠故名雞頭仙方取此并蓮實合餌能令小兒不長正爾食之亦當益人唐本注云此實去皮作粉與菱音陵粉相似益人勝菱臣禹錫等謹按蜀本圖經云此生水中葉大如荷皴而有刺花子若拳大形似雞頭實若石榴皮青黑肉白如菱米也孟詵云雞頭作粉食之甚妙是長生之藥與小兒食不能長大故駐年耳生食動風冷氣蒸之於烈日晒之其皮即開亦可舂作粉陳士良云此種雖生於水面有軟根名葎菜主小腹結氣痛宜食日華子云雞頭開胃助氣根可作蔬菜食

圖經曰

雞頭實生雷池今處處有之生水澤中葉大如荷皺而有刺俗謂之雞頭盤花下結實其形類

雞頭故以名之其莖蔽之嫩者名藕蔽人採以為菜茹八月採實服餌家取其實并中子搗爛暴乾再搗下篩熬金櫻子煎和丸服之云補下益人謂之水陸丹經傳謂其子為芡

經驗後方

治益精氣強志意聰明耳目以雞頭實三合煮令熟去殼研如膏入粳米一合煮粥

空心服之

淮南子云

雞頭已癭頸疾幽人謂之雁頭

莊子

徐無鬼篇有雞雍疏云雞雍雞頭草也服之延年

周禮

加籩之實菱芡栗脯

衍義曰

雞頭實今天下皆有之河北汾澹其居人採得
春去皮搗仁為粉蒸搏作餅可以代糧食多不

益脾胃氣

兼難消化

郢州梅實



中梅實味酸平無毒主下氣除熱煩滿安心肢體痛偏枯不仁死肌去青黑誌惡疾止下痢好唾口乾生漢中

川谷五月採火乾

陶隱居云此亦是今烏梅也用當去核微熬之傷寒煩熱水漬飲汁生梅

子及白梅亦應相似今人多用白梅和藥以點誌蝕惡肉也服黃精人云禁食梅實唐本注云別錄云梅根療風痺出土者殺人梅實利筋脈去痺臣禹錫等謹按藥性論云梅核仁亦可單用味酸無毒能除煩熱蕭炳云今人多用煙熏為烏梅孟說云烏梅多食損齒又刺在肉中嚼白梅封之刺即出又大便秘不通氣奔欲死以烏梅十顆置湯中須臾按去核杵為丸如棗大內下部少時即通謹按擘破水漬以少蜜相和止渴霍亂心腹不安及痢赤治瘡方多用之陳藏器云梅實本功外止渴令人隔上熱烏梅去痰主瘡瘡止渴調中除冷熱痢止

吐逆梅葉搗碎湯洗衣易脫也蒿陽子云清水揉梅葉洗蕉葛衣經夏不脆余試之驗日華子云梅子暖止渴多啖傷骨蝕脾胃令人發熱根葉煎濃湯治休息痢并霍亂又云白梅暖無毒治刀箭止血研傅之又云烏梅暖無毒除勞治骨蒸去煩悶澀腸止痢消酒毒治偏枯皮膚麻痺去黑點令人得睡又入建茶乾薑為丸止休息痢大驗也

圖經曰

梅實生漢中川谷今襄漢川蜀江湖淮嶺皆有之其生實酸而損齒傷骨發虛熱不宜多食之

服黃精人尤不相宜其葉煮濃汁服之已休息痢根主風痺出土者不可用五月採其黃實火熏乾作烏梅主傷寒煩熱及霍亂躁渴虛勞瘦羸產婦氣痢等方中多用之南方療勞瘡劣弱者用烏梅十四枚豆豉二合桃柳枝各一虎口握甘草三寸長生薑一塊以童子小便二升煎七合溫服其餘藥使用之尤多又以鹽殺為白

梅亦入除痰藥中用又下有楊梅條亦生江南嶺南其木若荔枝而葉細陰厚其實生青熟紅肉在核上無皮殼南人淹藏以為果寄至此方甚多今醫方鮮用故附於此

聖惠方

主傷寒下部生蠱瘡用烏梅肉三兩炒令燥杵為末煉蜜丸如梧桐子大以石榴根皮煎

湯食前服十九

又方

治痰厥頭痛以十箇取肉鹽二錢酒一中盞合煎至七分去滓非時溫服吐即佳

又方

治痢下積久不差腸垢已出以二十箇水一盞煎取六分去滓食前分為二服肘後方同

又方

治瘡中新瘡肉出杵肉以蜜和捻作餅子如錢許大厚以貼瘡差為度

外臺祕要

治下部蟲齧杵梅桃葉一斛蒸之令極熱內小器中大布上坐蟲死

肘後方

治心腹俱脹痛短氣欲死或已絕烏梅二七枚水五升煮一沸內大錢二七枚煮取二升半強

人可頓服羸人

可分之再服

又方

治傷寒以三十枚去核以豉一升苦酒三升煮取一升半去滓服

又方

治手指忽腫痛名為伐指以烏梅仁杵苦酒和以指漬之須臾差

葛氏

治赤白痢下部疼重以二十枚打碎水二升煮取一升頓服

又方

治折傷以五斤去核飴五升合煮稍稍食之漸漸自消

經驗方

治馬汗入肉用烏梅和核爛杵為末以頭醋和為膏先將瘡口以針刺破但出淡血有紅血出

用帛拭乾以膏傅上以帛繫定

梅師

治傷寒四五日頭痛壯熱胃中煩痛烏梅十四箇鹽五合水一升煎取一半服吐之

簡要濟衆

治消渴止煩悶以烏梅肉二兩微炒為末每服二錢水二盞煎取一盞去滓入豉二百粒

煎至半盞去滓臨卧時服

鬼遺方

治一切瘡肉出以烏梅燒為灰杵末傅上惡肉立盡極妙

吳氏本草

梅核明目益氣不飢

毛詩疏云

梅暴乾為脂羹臠羹中又含可以香口

魏文帝


與軍士失道大渴而無水遂下令曰前有梅林結子甘酸可以止渴

衍義曰

梅實食梅則津液泄水生木也津液泄故傷齒腎屬水外為齒故也王叔和曰膀胱腎合為津

慶此語雖鄙然理存焉煉之為
烏梅曝乾藏密器中為白梅

瓜木州蜀



木瓜實味酸溫無毒主濕痺邪氣霍亂大吐下轉筋不

止其枝亦可煮用

陶隱居云山陰蘭亭尤多彼人以爲良果最療轉筋如轉筋時但呼其名

及書上作木瓜字皆愈亦不可解俗人柱木瓜杖云利筋脛又有撰音冥櫃音櫃大而黃可進酒去痰又櫃子澀斷痢禮云櫃梨曰攢之鄭公不識櫃乃云是梨之不臧者然古亦以櫃爲果今則不入例爾臣禹錫等謹按蜀本注其樹枝狀如柰花作房生子形似枯樓火乾甚香爾雅云楸木瓜注云實如小瓜酢可食然多食亦不益人又爾雅云櫃似梨而酢澀陳藏器云木瓜本功外下冷氣強筋骨消食止水痢後渴不止作飲服之又脚氣衝心取一顆去子煎服之嫩者更佳又止嘔逆心膈痰唾又云按楸櫃一名蠻櫃本功外食之去惡心其氣辛香置衣箱中殺蟲魚食之止心中酸水水痢櫃子本功外食之去惡心酸咽止酒痰黃水小於楹棹而相似

北土無之中都有鄭注禮云櫝梨之不臧者為無功也
孟詵云木瓜謹按枝葉煮之飲亦治霍亂不可多食損
齒及骨又臍下絞痛木瓜一兩片桑葉七片大棗三枚
碎之以水二升煮取半升頓服之差又云櫝子平損齒
及筋不可食亦主霍亂轉筋煮汁食之與木瓜功稍等
餘無有益人處江外常為果食日華子云木瓜止吐瀉
貴狔及脚氣水腫冷熱痢心腹痛療渴嘔逆痰唾等根
治脚氣又云櫝櫝平無毒消痰解酒毒及治咽酸煨食
止痢浸油梳頭
治髮赤并白

圖經曰

木瓜舊不著所出州土陶隱居云山陰蘭亭尤
多今處處有之而宣城者為佳其木狀若柰花

生於春末而深紅色其實大者如瓜小者如拳爾雅謂
之楸郭璞云實如小瓜酢可食不可多亦不益人宣州
人種蒔尤謹遍滿山谷始實成則鍤紙花薄其上夜露
日暴漸而變紅花文如生本州以充上貢焉又有一種

模櫃木葉花實酷類木瓜陶云大而黃可進酒去痰者是也欲辨之看蒂間別有重蒂如乳者為木瓜無此者為楨櫃也木瓜大枝可作杖策之云利筋脈根葉煮湯淋足脛可以已癢又截其木乾之作桶以濯足尤益道家以楨櫃生壓汁合和甘松玄參末作濕香云甚爽神

雷公云

凡使勿誤用和圓子蔓子土伏子其色樣外形真似木瓜只氣味効并向裏子各不同若

木瓜皮薄微赤黃香甘酸不澀調榮衛助穀氣向裏子頭尖一面方是真木瓜若和圓子色微黃蒂間麤子小圓味澁微鹹傷人氣蔓子顆小亦似木瓜味絕澁不堪用土伏子似木瓜味絕澁子如大樣油麻又苦澁不堪用若餌之令人目澁目赤多赤筋痛凡使木瓜勿令犯鐵用銅刀削去硬皮并子薄切於日中曬却用黃牛乳汁拌蒸從已至未其木瓜如膏煎却於日中薄攤晒乾用也

食療

云主嘔呃風氣又吐後轉筋煮汁飲之甚良脚膝筋急痛煮木瓜令爛研作漿粥樣用裏痛處冷即

易一宿三五度熱裏便差煮

木瓜時入一半酒同煮之

毛詩


投我以木瓜報之以瓊琚注云木瓜楸木也可食之木

衍義曰

木瓜得木之正故入筋以鉛霜塗之則失錯味受金之制故如是今人多取西京大木瓜為佳

其味和羹至熟止青白色入藥絕有功勝宣州者味淡此物入肝故益筋與血病腰腎脚膝無力此物不可闕也

柿



柿味甘寒無毒主通鼻耳氣腸辟不足

陶隱居云柿有數種云今烏柿

火熏者性熱斷下又療狗齧瘡火燭皮逼切者亦好日乾者性冷麤心柿尤不可多食令人腹痛生柿彌冷又有裨音早色青惟堪生噉性冷復甚於柿散石熱家噉之亦無嫌不入藥用唐本注云別錄云火柿主殺毒療金瘡火瘡生肉止痛軟熟柿解酒熱毒止口乾壓胃間熱臣禹錫等謹按孟詵云柿寒主補虛勞不足謹按乾柿厚腸胃澁中健脾胃氣消宿血又紅柿補氣續經脈氣又醋柿澁下焦健脾胃氣消宿血作餅及餠與小兒食治秋痢又研柿先煮粥欲熟即下柿更一兩沸與小兒飽食并奶母喫亦良又乾肺二斤酥一斤蜜半升先和酥蜜鑊中消之下柿煎十數沸不津器貯之每日空腹服三五枚療男子女人脾虛腹肚薄食不消化面上黑點久服甚良陳藏器云柿本功外日乾者溫補多食去面肝除腹中宿血剗縣火乾者名烏柿人服藥口苦

及欲吐逆食少許立止帶煮服之止噦氣黃柿和米粉作糗蒸與小兒食之止下痢飲酒食紅柿令人心痛直至死亦令易醉陶云解酒毒失矣日華子云柿冷潤心肺止渴澀腸療肺痿心熱嗽消痰開胃亦治吐血又云乾柿平潤聲喉殺蟲火柿性暖功用同前

圖經曰

柿舊不著所出州土今南北皆有之柿之種亦多黃柿生近京州郡紅柿南北通有朱柿出華

山似紅柿而皮薄更甘珍裨音卑柿出宣歙荆襄閩廣諸州但可生噉不堪乾諸柿食之皆美而益人裨柿更壓丹石毒耳其乾柿火乾者謂之烏柿出宣州越州性甚溫人服藥口苦欲逆食少許當止煎可斷下日乾者為白柿入藥微冷又黃柿可和米粉作糗小兒食之止痢又以酥蜜煎乾柿食之主脾虛薄食柿帶煮飲亦止噦木皮主下血不止暴乾更焙篩末米飲和二錢匕服之不以以上衝下脫兩服可止又有一種小柿謂之軟棗

俚俗暴乾貨之謂之牛奶柿至冷不可多食凡食柿不可與蟹同令人腹痛大瀉其枯葉至滑澤古人取以臨書俗傳柿有七絕一壽二多陰三無鳥巢四無蟲蠹五霜葉可翫六嘉實七落葉肥大

聖惠方

治耳聾鼻塞以乾柿三枚細切粳米三合豉少許煮粥空心食之

產寶


治產後或患欬逆氣亂心煩乾柿一箇碎之以水十分煮熱呷

衍義曰

柿有著蓋柿於蒂下別生一重又半心肺如牛之心蒸餅柿如今之市買蒸餅華州有一等朱

柿北諸品中最小深紅色又一種塔柿亦大於諸柿性皆涼不至大寒食之引痰極甘故如是去皮掛大木株上使風日中自乾食之多動風火乾者味不佳生則澁以溫水養之需澁去可食逮至自然紅爛澁亦自去乾則性平

芋



芋味辛平有毒主寬腸胃充肌膚滑中一名土芝

陶隱居云

錢塘最多生則有毒發音欸不可食性滑下石服餌家所忌種芋三年不採成招音呂芋又別有野芋名老芋形葉相似如一根並殺人人不識而食之垂死者佗人以土漿及糞汁與飲之得活矣唐本注云芋有六種有青芋紫芋真芋白芋連禪芋野芋其青芋細長毒多初煮要須灰汁易水煮熟乃堪食爾白芋真芋連禪芋紫芋毒少並正爾蒸煮噉之又宜冷噉療熱止渴其真白連禪三芋兼肉作羹大佳蹲鴟之饒蓋謂此也野芋大毒不堪噉也臣禹錫等謹按孟詵云芋白色者無味紫色者破氣煮汁飲之止渴十月後曬乾收之冬月食不發病佗時月不可食又和鮑魚鱧魚作臠良久食令人虛勞無力又煮汁洗膩衣白如玉亦可浴去身上浮風慎風芋日陳藏器云芋本功外食之令人肥白小者極滑吞之開胃及腸閉產後煮食之破血飲其汁止血渴

芋有八九種功用相似野芋生溪澗非人所種者根葉相類耳取根醋摩傅蟲瘡疥癬入口毒入又有天荷亦相似而大也日華子云芋冷破宿血去死肌其中有數種有芽芋紫芋園圃中種者可食餘者有大毒不可容易食薑芋辛辣以生薑煮又換水煮方可食和魚煮甚下氣調中補虛葉裏開了癰瘡毒止痛又云芋葉冷無毒除煩止瀉療妊孕心煩迷悶胎動不安又鹽研傅蛇蟲咬并癰腫毒及署傅毒箭

圖經曰

芋本經不著所出州土陶隱居注云錢塘最多今處處有之閩蜀淮南尤殖此種類亦多大抵

性效相近蜀川出者形圓而大狀若蹲鴟謂之芋魁彼人蒔之最盛可以當糧食而度饑年左思三都賦所謂狗蹲鴟之沃則以為濟世陽九是也江西閩中出者形長而大葉皆相類其細者如卵生於大魁傍食之尤美不可過多乃有損也凡食芋並須園圃蒔者其野芋有大毒不可輒食食則殺人惟土漿及糞汁解之說文解

字云齊人謂芋為栲陶云種芋三年不採成莒二音相近蓋南北之呼不同耳古人亦單用作藥唐韋宙獨行方療癰氣取生芋子一斤壓破酒五升漬二七日空腹一枚神良

唐本云

多食動宿冷其葉如荷葉而長根類於薯蕷而圓圖經云其類雖多葉蓋相似葉大如扇

廣尺餘白芋毒微青芋多子真芋連禪芋紫芋並毒少而根俱不堪生叢蒸煮冷散大治煩熱止渴今畿縣偏有諸山南江左惟有青白紫三芋而已

食療

煮汁浴之去身上浮氣浴了慎風半日許

史記

蜀車氏云汶山之下沃野有蹲鴟至死不飢注蹲鴟大芋也

沈存中筆談

處士劉湯隱居王屋山嘗於齋中見一大蜂屑于蛛網蛛縛之為蜂所螫墜地俄頃


蛛鼓腹欲烈徐徐行入草嚙芋梗微破以瘡就嚙處磨之良久腹漸消輕躁如故自後人有為蜂螫者按芋梗傅之則愈

衍義曰

芋所在有之江浙二川者最大而長京洛者差圓小而惟東西京者佳他處味不及也當心出

苗者為芋頭四邊附芋頭而生者為芋子八九月已後可食至時掘出置十數日却以好土勻埋至春猶好生則辛而延多食滯氣困脾唐杜甫詩曰園收芋栗未全貧者是此以粳擦蜂螫處愈

烏芋



烏芋味苦甘微寒無毒主消渴痺熱溫中益氣一名藉

姑一名水萍二月生葉如芋三月三日採根暴乾

陶隱居云

今藉姑生水田中葉有極烏牙切狀如澤瀉不正似芋其根黃似芋子而小煮之亦可噉疑其有烏者根極相似細而美葉垂異狀如莧草呼為莧茨恐此也唐本注云此草一名槎牙一名茨菰音孤主百毒產後血悶攻心欲死產難衣不出槁汁服一升生水中葉似鯉音兮切箭鏃澤瀉之類也千金方云下石淋臣禹錫等謹按孟詵云茨菰不可多食吳人常食之令人患脚又發脚氣癰緩風損齒令人失顏色皮肉乾燥卒食之令人嘔水又云莧茨冷下丹石消風毒除胃中實熱氣可作粉食明耳目止渴消疸黃若先有冷氣不可食令人腹脹氣滿小兒秋食臍下當痛日華子云莧茨無毒消風毒除胃胃熱治黃疸開胃下食服金石藥人食之良又云

茨菰冷有毒葉研傅蛇蟲咬多食發虛熱及腸風痔瘡
崩中帶下瘡癰煮以生薑禦之佳懷孕人不可食又名
驚尾草及
烏芋矣

圖經曰

烏芋今菟茨也舊不著所出州土苗似龍鬚而
細正青色根黑如指大皮厚有毛又有一種皮

薄無毛者亦同田中人並食之亦以作粉食之厚人腸
胃不飢服丹石人尤宜蓋具能解毒耳爾雅謂之芍

衍義曰

烏芋今人謂之勒臍皮厚色黑肉硬白者謂之
猪勒臍皮薄澤色淡紫肉軟者謂之羊勒臍正

二月人採食之此二等藥
罕用荒歲人多採以充糧

蜀州杞葉



枇杷葉味苦平無毒主卒哕不止下氣

陶隱居云其葉不暇煮但嚼食

亦差人以作飲則小冷唐本注云用葉須火炙布拭去毛不爾射人肺令欬不已又主欬逆不下食今注實味甘寒無毒多食發痰熱臣禹錫等謹按蜀本圖經云樹高丈餘葉大如驢耳背有黃毛子毳生如小李黃色味甘酸核大如小栗皮肉薄冬花春實四月五月熟凌冬不凋生江南山南今處處有孟詵云枇杷溫利五臟久食亦發熱黃子食之潤肺熱上膈若和熟炙肉及熱麵食之令人患熱毒黃病藥性論云枇杷葉使味甘能主胃氣冷嘔噦不止日華子云枇杷子平無毒治肺氣潤五臟下氣止吐逆并渴疾又云葉療婦人產後口乾

圖經曰

枇杷葉舊不著所出州郡今襄漢吳蜀閬嶺皆有之木高丈餘葉作驢耳形皆有毛具本陰密

婆娑可愛四時不彫盛冬開白花至三四月而成實故謝瞻枇杷賦云稟金秋之青條抱東陽之和氣肇寒葩

之結霜成炎果乎纖露是也其實作毬如黃梅皮肉甚薄味甘中核如小栗四月採葉暴乾治肺氣主渴疾用時須火炙布拭去上黃毛去之難盡當用栗稈作刷刷之乃盡人以作飲則小冷其木白皮止吐逆不下食

雷公云

凡使採得後秤濕者一葉重一兩乾者三葉重一兩者是氣足堪用使麤布拭上毛令盡

用甘草湯洗一遍却用綿再拭令乾每一兩以酥一分炙之酥盡為度

食療

卒嘔哕不止不欲食又煮汁飲之止渴偏理肺及肺風瘡胃面上瘡

孫真人

咳嗽以葉去毛煎湯服之

衍義曰

枇杷葉江東西湖南北二川皆有之以其形如枇杷故名之治肺熱嗽有功花白最先春也子

大如彈丸四五月熟色若黃杏微有毛肉薄性亦平與葉不同有婦人患肺熱久嗽身如炙肌瘦將成肺癆以

枇杷葉木通款冬花紫菀杏仁桑白皮各等分大黃減
半各如常製治訖同為末蜜丸如櫻桃大食後夜卧各
含化一丸未
終一劑而愈

荔枝枝



荔枝子味甘平無毒止渴益人顏色生嶺南及巴中其樹高一二丈葉青陰凌冬不凋形如松子大殼朱若紅羅紋肉青白若水精甘美如蜜四五月熟百鳥食之皆

肥矣

附今

圖經曰

荔枝子生嶺南及巴中今泉福漳嘉蜀渝涪州興化軍及二廣州郡皆有之其品閩中第一蜀

川次之嶺南為下扶南記云此木以荔枝為名者以其結實時枝弱而蒂牢不可摘取以刀斧剝音利取其枝故以為名耳其木高二三丈自徑尺至於合抱頗類桂木冬青之屬葉蓬蓬然四時榮茂不凋其木性至堅勁工人取其根作節音槽及彈碁局木之大者子至百斛其花青白狀若冠之蕤纓實如松花之初生者殼若羅

文初青漸紅肉淡白如肪玉味甘而多汁五六月盛熟時彼方皆燕會其下以賞之賓主極量取啖雖多亦不傷人少過度則飲蜜漿一盃便解荔枝始傳於漢世初惟出嶺南後出蜀中蜀都賦所云旁挺龍目側生荔枝是也蜀中之品在唐尤盛白居易圖序論之詳矣今閩中四郡所出特奇而種類僅至三十餘品肌肉甚厚甘香瑩白非廣蜀之比也福唐歲貢白暴荔枝并蜜煎荔枝肉俱為上方之珍果白暴須佳實乃堪具市貨者多用雜色荔枝久鹽梅暴之成而皮深紅味亦少酸殊失本真凡經暴皆可經歲好者寄至都下及關陝河外諸處味猶不歇百果流布之盛皆不及此又有焦核荔枝味更甜美或云是木生背陽結實不完就者白暴之尤佳又有綠色蠟色皆其品之奇者本土亦自難得其蜀嶺荔枝初生亦小酢肉薄不堪暴花及根亦入藥崔元亮海上方治喉痺腫痛以荔枝花并根共十二分以水三升煮去滓含細細嚙之差止

陳藏器

味酸子如卵廣州記云荔枝精者子如雞卵大穀朱肉白核如雞舌香廣記曰荔枝冬青

實如雞子核黃黑似熟蓮子實白如肪脂甘而多汁美極益人也

海藥云

謹按廣州記云生嶺南及波斯國樹似青木香味甘酸主煩渴頭重心躁背膊勞悶並宜食之

嘉州已下渝州並有其實熟甘美荔枝熟人未採則百蟲不敢近人才採之烏鳥蝙蝠之類無不殘傷故採荔枝者日中而衆採之荔枝子一日色變二日味變三日色味俱變古詩云色味不踰三日變員安字荔枝詩云香味三日變今瀘渝人食之多則發熱瘡

食療

微溫食之通神益智健氣及顏色多食則發熱

衍義曰

荔枝藥品中今未見惟崔元亮方中收之果實中為上品多食亦令人發虛熱此物喜雙實尤

可愛本朝有蔡君謨荔枝譜其說甚詳唐杜牧詩云乙騎紅塵妃子笑無人知是荔枝來此是川蜀荔枝亦可生置之長安也以核慢火中燒存性為未新酒調一枚未服治心痛及小腸氣

乳柑子味甘大寒主利腸胃中熱毒解丹石止暴渴利小便多食令人脾冷發痼癖大腸洩又有沙柑青柑山柑體性相類惟山柑皮療咽喉痛效餘者皮不堪用其樹若橘樹其形似橘而圓大皮色生青熟黃赤未經霜時尤酸霜後甚甜故名柑子生嶺南及江南

今附臣禹錫等謹按

蕭炳云出西戎者佳日華子云冷無毒皮炙作湯可解酒毒及酒渴多食發陰汗

圖經

文具橘
柚條下

陳藏器

產後肌浮柑
皮為末酒下

聖惠方

治酒毒或醉昏悶煩渴要易醒方取柑皮二兩
焙乾為末以三錢匕水一中盞煎三五沸入鹽

如茶法
服妙

食療

寒堪食之其皮不任藥用食
多令人肺燥冷中發瘧癖

經驗方

獨醒錫柑子皮去瓢不計多
少焙乾為末入鹽點半錢

衍義曰

乳柑子今人多作橘皮售於人不可不擇也柑
皮不甚苦橘皮極苦至熟亦苦若以皮緊慢分

別橘與柑又緣方宜各不同亦互有緊慢
者脾腎冷人食其肉多致藏寒或洩利

石蜜

乳糖也

味甘寒無毒主心腹熱脹口乾渴性冷利出

益州及西戎煎煉沙糖為之可作餅塊黃白色

唐本注云用水

牛乳米粉和煎乃得成塊西戎來者佳江左亦有殆勝蜀者云用牛乳汁和沙糖煎之並作餅堅重今注此石蜜其實乳糖也前卷已有石蜜之名故注此條為乳糖唐本先附臣禹錫等謹按孟詵云石蜜治目中熱膜明目蜀中波斯者良東吳亦有並不如兩處者此皆煎甘蔗汁及生乳汁則易細白耳和棗肉及芭藤末丸每食後含一兩丸潤肺氣助五藏津

圖經


文具甘蔗條下

行義曰

石蜜川浙最佳其味厚其他次之煎鍊成入銅錫器達京都至夏月及久陰雨多自消化土人

先以竹葉及紙裹外用石灰埋之仍不得見風遂免今人謂乳糖其作餅黃白色者今人又謂之捻糖易消化入藥至少

甘蔗



甘蔗

音柘

味甘平無毒主下氣和中助脾氣利大腸

陶隱居云

今出江東為勝廬陵亦有好者廣州一種數年生皆如大竹長丈餘取汁以為沙糖甚益人又有荻蔗節疎而細亦可噉也今按別本注云蔗有兩種赤色名崑崙蔗白色名荻蔗出蜀及嶺南為勝並煎為沙糖今江東甚多而劣於蜀者亦甚甘美時用煎為稀沙糖也今會稽作乳糖殆勝於蜀去煩止渴解酒毒巨禹錫等謹按蜀本圖經云葉似荻高丈許有竹荻三蔗竹蔗莖麤出江南荻蔗莖細出江北霜下後收莖竿其汁為沙糖鍊沙糖和牛乳為石蜜並好日華子云冷利大小腸下氣痢補脾消痰止渴除心煩熱作沙糖潤心肺殺蟲解酒毒臘月窖糞坑中患天行熱狂人絞汁服甚良也

圖經曰

甘蔗舊不著所出州土陶隱居云今江東者為勝廬陵亦有好者廣州一種數年生者如大竹

長丈餘今江浙閩廣蜀川所生大者亦高丈許葉有二種一種似荻節疎而細短謂之荻蔗一種似竹粗長竿其汁以為沙糖皆用竹蔗泉福吉廣州多作之鍊沙糖和牛乳為石蜜即乳糖也惟蜀川作之荻蔗但堪噉或云亦可煎稀糖商人販貨至都下者荻蔗多而竹蔗少也

食療

主補氣兼下氣不可共酒食發痰

外臺祕要

主發熱口渴乾小便澀取甘蔗去皮盡令喫之咽汁若口痛搗取汁服之

肘後方

主卒乾嘔不息甘蔗汁溫令熱服半升日三又以生薑汁一升服並差

梅師方

主胃及朝食暮吐暮食朝吐旋旋吐者以甘蔗汁七升生薑汁一升二味相和分為三服

食醫心鏡

理正氣止煩渴和中補脾利人腸解酒毒削甘蔗去皮食後喫之

張協都蔗賦云

挫斯蔗而療渴若漱醴而含蜜

衍義曰

甘蔗今川廣湖南北二浙江東西皆有自八九月已堪食收至三四月方酸壞石蜜沙糖霜皆

自北出惟川浙者為勝

沙糖味甘寒無毒功體與石蜜同而冷利過之

音甘

蔗汁煎作蜀地西戎江東並有之

唐本先附臣禹錫等謹按孟詵云沙糖多

食令人心痛不與鯽魚同食成疳蟲又不與葵同食生流澀又不與笋同食使笋不消成癥身重不能行履耳

圖經

文具甘蔗條下

食療云

主心熱口乾多食生長蟲消肌由損齒發疳蠱不可長食之

子母祕錄

治腹緊白糖以酒二升煮服不過再差

衍義曰

沙糖又次石蜜蔗汁清故費煎鍊致紫黑色治心肺大腸熱兼嗽馳馬今醫家治暴熱多以此

物為先導小兒多食則損齒土制水也及生蛻蟲裸蟲屬土故名甘遂生

枳音卑柿味甘寒無毒主壓石藥發熱利水解酒熱久食

令人寒中去胃中熱生江淮南似柿而青黑閑居賦云

梁侯烏枳之柿是也


今附臣禹錫等謹按日華子云枳柿止渴潤心肺除腹臟冷熱作漆

甚妙不宜與蟹同食令人腹疼并大瀉矣

圖經

文具柿條下

桃核仁



下桃核仁味苦甘平無毒主瘀血閉瘕邪氣殺小蟲
止欬逆上氣消心下堅除卒暴擊血破癥瘕通月水止
痛七月採取仁陰乾

桃花殺疰惡鬼令人好顏色味苦平無毒主除水氣破
石淋利大小便下三蟲悅澤人面三月三日採陰乾

桃梟味苦微溫主殺百鬼精物療中惡腹痛殺精魅五
毒不祥一名桃奴一名梟景是實著樹不落實中者正
月採之

桃毛主下血瘕寒熱積聚無子帶下諸疾破堅開刮取

毛用之

臣禹錫等謹按本經月
閉通用藥云桃毛平

桃蠹殺鬼邪惡不祥食桃樹蟲也

莖白皮味苦辛無毒除邪鬼中惡腹痛去胃中熱

葉味苦辛平無毒主除尸蟲出瘡中蟲

膠鍊之主保中不飢忍風寒

實味酸多令人有熱生太山川谷

陶隱居云今處處有
京口者亦好當取解

核種之為佳又有小桃其仁不堪用桃仁作酪乃言冷
桃膠入仙家用三月三日採花亦供丹方所須方言服

三樹桃花盡則面色如桃花仁亦無試之者服水人云
禁食挑也唐本注云挑膠味苦平無毒主下石淋破血
中惡疰忤花主下惡氣消腫滿利大小腸臣禹錫等謹
按藥性論云桃仁使挑符主中惡孟詵云桃仁溫殺三
虫止心痛又女人陰中生瘡如蟲齧疼痛者可生搗葉
綿裹內陰中日三四易差又三月三日採花臘乾杵末
以水服二錢七小兒半錢治心腹痛又禿瘡收未開花
陰乾與桑椹赤者等分作末以豬脂和先取灰汁洗去
瘡痂即塗藥又云挑能發丹石不可食之生者尤損人
又白毛主惡鬼邪氣膠亦然又挑符及奴主精魅邪氣
符煮汁飲之奴者九散服之桃仁每夜嚼一顆和蜜塗
手面良日華子云桃熟微毒益色多食令人生熱樹
上自乾者治肺氣腰痛除鬼精邪氣破血治心痛酒磨
暖服之又云桃葉暖治惡氣小兒寒熱客忤挑毛療崩
中破癖氣挑蠹食
之肥悅人顏色也

圖經曰

桃核仁并花實等生泰山今處處皆有之京東陝西出者尤大而美大都佳果多是圃人以他

木接根上栽之遂至肥美殊失本性此等藥中不可用之當以一生者為佳七月採核破之取仁陰乾今都下市賈多取炒貨之云食之亦益人然亦多雜接實之核為不堪也千金方桃仁煎療婦人產後百病諸氣取桃仁一千二百枚去雙仁尖皮熬搗令極細以清酒一斗半研如麥粥法以極細為佳內小項瓷瓶中密以麴封之內湯中煮一復時藥成溫酒和服一匙日再其花三月三日採陰乾太清丹方云酒漬桃花飲之除百疾益顏色崔元亮海上方治面上瘡黃水出并眼瘡二月五日收取桃花不計多少細末之食後以水半盞調服方寸七日三甚良其實已乾著水上經冬不落者名桃梟正月採之以中實者良胡洽治中惡毒氣蠱疰有桃奴湯是此也其實上毛剉取之以治女子崩中食桃木虫名桃蠹食之悅人顏色莖白皮中惡方用之葉多用

作湯導藥標嫩者名桃心尤勝張文仲治天行有支太醫桃葉湯熏身法水一石煮桃葉取七斗以為鋪席自圓衣被蓋上安桃湯于牀簣下乘熱自熏停少時當雨汗汗遍去湯待歇速粉之并灸大椎則愈陳廩丘蒸法經云連發汗汗不出者死可蒸之如中風法以問張苗苗曾有疲極汗出卧單簣中冷但苦寒倦四日凡八過發汗汗不出燒地桃葉蒸之則得大汗被中傳粉極燥便差後用此發汗得出蒸發者燒地良久掃除去火可以水小洒取蠶沙若桃葉栝葉糖及麥麩皆可趣用易得者牛馬糞亦可用但臭耳取桃葉欲落時可益收乾之以此等物著火處令厚二三寸布席上坐溫覆用此出汗若過熱當審細之息大熱者重席汗出周身便止溫粉粉之勿令過此法舊云出阮河南也桃皮亦主病集驗肺熱悶不止胸中喘急悸寒熱往來欲死不堪服藥泄胸中喘氣用桃皮芫花各一升二物以水四升煮取一升五合去滓以故布手巾內汁中薄胸溫四肢不

盈數刻即歇又必効方主蠱毒用大戟桃白皮東引者
以大火烘之斑猫去足翅熬三物等分搗篩為散以冷
水服半方寸匕其毒即出不出更一服蠱並出此李饒
州法云奇效若以酒中得則以酒服以食中得以飲服
之桃膠入服食藥仙方著其法取膠二十斤絹袋盛滌
木灰汁一石中煮三五沸并袋出掛高處候乾再煮如
此三度土暴乾篩末蜜和空腹酒下梧桐子大二十九
久服當仙去又主石淋古今錄驗著其方云服桃木膠
如棗大夏以冷水三合冬以湯三合和為一服日三
當下石盡即止其實亦可多食善令人熱發

雷公云

凡使須揮去皮渾用白朮烏豆二味和桃仁
同于坩堝子中煮一伏時後漉出用手擘作

兩片其心黃如金色任用之花勿使千葉者能使人鼻
衄不止目黃凡用揀令淨以絹袋盛于簷下懸令乾去
塵了用鬼臙脂勿使乾桃子其鬼臙脂只是千葉桃花結
子在樹上不落者乾然于十一月內採得可為神妙凡

修事以酒拌蒸從已至未
焙以銅刀切焙取肉用

聖惠方

補心虛治健忘令耳目聰明用戊子
日取東引桃枝二寸枕之千金翼同

又方

治伏梁氣在心下結聚不散用桃
奴三兩為末空心溫酒調二錢匕

又方

治小兒中蠱毒令腹內堅痛面目青黃淋露骨立病
變無常方以樹樹寄生二兩末如茶點服日四五服

外臺秘要

治霍亂腹痛吐痢取桃葉三升切以
水五升煮取一升三合分溫二服

又方

治虛熱渴桃膠
如彈丸含之佳

又方

治骨蒸桃仁一百二十枚去皮雙仁留尖杵和為
丸平旦井花水頓服令盡服訖量性飲酒令醉仍

須喫水能多最精隔日又
服一劑百日不得食肉

又方

治偏風半身不遂及癰疽方桃仁一千七百枚去雙仁尖皮以好酒一斗三升浸經二十一日出日

乾杵令細作丸每服二十丸還將桃酒服之

又方

治三蟲絞葉取汁一升飲

又方

酒漬桃花飲之除百病好容色又桃仁服之長生

千金方

治風項強不得顧視穿地作坑燒令通赤以水洒之令冷內生桃葉鋪其席下卧之今項在藥

上以衣著項邊令氣上蒸病人汗出良久差

又方

治喉閉煮桃皮汁三升服之

又方

治產後遍身如果粒熱如火者以桃仁研臘月猪脂調傅上日易

又方

治少小聾耳桃仁熟末以穀裏塞耳

又方

人有食桃病時已晚無復校就桃樹開得梟桃澆服之暫吐病即愈

千金翼

延年去風令光潤桃仁五合去皮用粳米飯漿研之令細以漿水杵取汁令桃仁盡即休微溫

用洗面極妙

又方

以五月五日取東向桃枝日未出時作三寸木人著衣帶中令人不忘

肘後方

尸生鬼注病者葛云即是五尸之一注又扶諸鬼邪為祟其病變動及有二十六種至九十九

種大畧使人寒淋瀝沈沈默默不的知其所苦而無處不惡累年積月漸就頓滯以至于死死後復傳傍人乃至滅門覺如此病者便宜急治桃仁五十枚碎研以水煮取四升一服盡當吐吐病不盡三兩日不吐再服也

又方

卒心痛東引桃枝一把切以酒一升煎取半升頓服大効

又方

治卒心痛桃仁七枚去皮尖熟研水一合頓服良亦可治三十年患

又方

治卒得咳嗽桃仁三升去皮杵著器中密封之蒸一次日乾絹袋盛以內二斗酒中六七日可飲四五合稍增至一升

葛氏

卒中癰瘡癰瘡常對在兩脚杵桃葉以苦酒和傳皮亦得

又方

治小兒卵癰杵桃仁傳之亦治婦人陰腫瘰癧

又方

治癰痔大腸常血杵桃葉一斛蒸之內小口器中以下部榻上坐蟲自出

又方

治胎下血不出取桃樹上乾不落桃子燒作灰和水服差又產後陰腫痛燒桃仁傳之

又方

下部瘡已決洞者桃皮葉杵水漬令濃去滓著盆中漬之有蟲出

梅師方

治諸蟲入耳取桃葉熟按塞兩耳出

又方

治熱病後下部生瘡濃煮桃白皮如稀飭內少許熊膽研以綿蘸藥內下部瘡上

又方

治狂狗咬人取桃白皮一握水三升煎取一升服

孫真人

桃味辛肺病宜食又桃味酸無毒多食令人有熱

又方

主大小腸並不通桃葉取汁和服半斤冬用桃樹皮

又方

主卒患瘰癧子不痛方取樹皮貼上灸二七壯

又方

主卒得惡瘡不識者取桃皮作屑內瘡中

又方

凡人好魔桃仁熬去皮尖三七枚以小便下之

又方

備急鬼疰心痛桃仁
一合爛研煎湯喫

食醫心鏡

主上氣咳嗽胸膈痞滿氣喘桃仁三兩去皮
尖以水一升研取汁和粳米二合煮粥食之

又方

主傳尸鬼氣咳嗽瘕癖注氣血氣不通日漸消瘦
桃仁壹兩去皮尖杵碎以水一升半煮著米煮粥

粥空心
食之

又方

凡風勞毒腫疼痛攣痛或牽引小腹及腰痛桃仁一
升去皮尖者熬令黑煙出熱研搗如脂膏以酒三

升攪令相和服
取汗不過三差

傷寒類要

治黃疸身眼皆如金色不可使婦人雞犬見
取東引桃根切細如筋若釵股以下者一握以

水一大升煎取一小升適溫空腹頓服後三五日其黃
離離如薄雲散惟服最後差百日方平復身黃散後可

時時飲一盞清酒則眼中易散不飲則散遲則散遲忌食熱麪猪魚等徐之才家秘方

又方 治天行 蜜下部瘡濃煎桃枝如糖以通下部中若口中生瘡含之

又方 治溫病令不相染方桃樹蟲矢末水服方寸匕

又方 凡天時疫癘者常以東行桃枝細剉煮浴佳

又方 小兒傷寒若得時氣桃葉三兩杵和水五升煮十沸取汁日五六遍淋之後燒雄鼠糞二枚服妙

子母秘錄 治陰腫桃仁搗傳之

又方 小兒瘡初起膝漿似火瘡名爛瘡杵桃仁面脂傳上

又方 小兒濕癬桃樹青皮為末和醋傳上

崔氏

主鬼症心腹痛不可忍取棗引桃枝削去蒼皮取白皮一握水二升煮取半升服令盡差如未定再服

修真秘旨

食桃訖入水浴
令人成淋病

抱撲子

桃膠以桑灰漬之服百病愈又服之
身輕有光明在晦夜之地四月斷穀

荆楚歲時記

謝道通登羅浮山見數童子以朱書桃板貼
戶上道通還以紙寫之貼戶上鬼見畏之

宋王微

桃飴越地通天液首化玉體
貌定仙人知噉日胡不廕年

宋齊丘化書

李接桃而本
強者其實毛

周禮

戎右掌戎車之兵革使詔贊王鼓傳王命于陳中會
同充革車盟則以玉敦辟盟遂役之贊牛耳桃蒚注

鬼所畏也蒚若
蒂所以掃不祥

毛詩

園有桃其實之覈今深山大谷之民熟以為飯

典術曰

桃者五木之精也今之作桃符著門上厭邪氣此仙木也

家語

孔子侍坐于哀公賜之桃與黍焉哀公曰請用孔子先黍而後食桃左右皆掩口而笑公曰黍者所以雪

桃非為食之也

東京賦云

度朔作梗守以曹鬱壘神荼副焉對操索葦注上古有神荼與鬱壘兄弟二人桃樹下閤

百鬼無道理者縛以葦索而飼虎今人作桃符板云左神荼右鬱壘者以此

治瘧

用桃仁一百箇去皮尖于乳鉢中細研成膏不得犯生水候成膏入黃丹三錢丸如梧桐子大每服

三丸當發日面北用溫酒吞下如不飲酒并花水亦得五月五日午時合忌雞犬婦人見

衍義曰

桃核仁桃品亦得京畿有油桃光小于衆桃不益脾有小點斑而光如塗油山中一種正是月

令中桃始華者但多子少不堪啗惟堪取仁唐文選謂山桃發紅萼者是矣又太原有食桃色深黃西京有崑崙桃肉深紫紅色此二種尤甘又餅子桃如今之者餅子如此數種入藥惟以山中自生者為正蓋取其走泄為用不取肥好者如傷寒八九日間發熱如狂大解小腹滿痛有瘀血用桃仁三十箇湯去皮尖麩炒赤色別研塵出三十枚去翅水蛭二十枚各炒川大黃一兩同為末與桃仁同搗令勻煉蜜丸如小豆大每服二十丸桃仁湯下利下瘀血惡物便愈未差再服

杏仁核



杏核仁味甘苦溫冷利有毒主欬逆上氣雷鳴喉痺下
氣產乳金瘡寒心賁豚驚癇心下煩熱風氣去來時行
頭痛解肌消心下急殺狗毒五月採之其兩仁者殺人
可以毒狗

花味苦無毒主補不足女子傷中寒熱痺厥逆

實味酸不可多食傷筋骨生晉山川谷

得大良惡黃芩
黃耆葛根解錫

毒畏葭草陶隱居云處處有藥中多用之湯浸去尖皮
熬令黃臣禹錫等謹按藥性論云杏仁能治腹痺不通
發汁主溫病治心下氣滿痛除心腹煩悶療肺氣咳嗽
上氣喘促入天門冬煎潤心肺可和酪作湯益潤身氣

宿即動冷氣孟詵云杏熱面肝者取仁去皮搗和鷄子
白夜卧塗面明早以煖清酒洗之大患卒瘕取杏仁三
分去皮炙熟別杵桂一分和如泥取李核大綿裹含細
細咽之日五夜三譙按心腹中結伏氣杏仁槁皮桂心
訶梨勒皮為丸空心服三十丸無忌又燒令煙盡研如
泥綿裹內女子陰中瘡蠱疽陳藏器云杏仁本功外殺
蟲燒令煙未盡細研如脂粉裹內蠶蒿孔中亦主產門
中蟲瘡瘡不可忍者去仁及諸畜瘡中風取仁去皮熬
令亦和桂末研如泥綿裹如指大含之利喉咽去喉痺
痰唾嗽喉中熱結生瘡杏酪濃煎如膏服之開五藏
去痰嗽生熱喫俱得半生半熟殺人
日華子云杏熟有毒不可多食傷神

圖經

曰杏核仁生晉川山谷今處處有之其實亦數種
黃而圓者名金杏相傳云種出濟南郡之分流

山彼人謂之漢帝杏今近都多種之熟最早其扁而青
黃者名木杏味酢不及金杏杏子入藥今以東來者為

勝仍用家國種者也杏不堪入藥五月採破核去雙仁者古方有單服杏仁修治如法自朝蒸之至午而止便以慢火微烘至七日乃收貯之每旦腹空時不約多少任意取之積久不止駐顏延年云是夏姬法然杏仁能使入血溢少悞之必出血不已或至委頓故近人少有服者人有杏酥法去風虛除百病痔瘡杏仁三石以好酒二石研漈取汁一石五斗入白蜜一斗五升攪勻封於新甕中勿洩氣三十日看酒上酥出即掠取內甕器中貯之取其酒澤團如梨大置空屋中作格安之候成飴脯狀旦服一枚以前酒下其酒任性飲之杏花乾之亦入藥杏枝主墮傷取一握水一大升煮半下酒三合分再服大枚其實不可多食傷神損筋骨劉禹錫傳信方治嗽補肺丸杏仁二大升山者不中揀却雙仁及陳蹶以童子小便一斗浸之春夏七日秋冬二七日并皮尖於砂盆子中研細漈取汁煮令魚眼沸候軟如麪糊即成仍時以柳枝攪勿令著底後即以馬尾羅或麁布

下之日暴通丸即九服之時食前後總須服三十九丸任意茶酒下忌白水粥只是為米泔耳自初浸至成常以紙蓋之以畏塵土也知無馬尾羅即以麤布袋下之如取茶瓌法

雷公云

凡使須以沸湯浸少時去皮膜去尖擘作兩片用白大石并烏豆杏仁二件於鍋子中下

東流水煮從已至午其杏仁色褐黃則去尖然用每脩一斤用白大石一斤烏頭三合水旋添勿令闕免反血為妙也

食療云

主熱風頭痛又燒令煙盡去皮以亂髮裏之咬於所患處下其痛便止熏諸蟲出并去風便差

重者不過三度

外臺秘要

治偏風半身不遂魚失音不語生吞杏仁七枚不去皮尖日起從一七漸加至七七枚七

七日周而復始食後即以竹泥下之任意多少日料一升取盡

又方

治耳聾以杏仁七枚去皮拍碎為三分以綿裹於中著穎鹽如小豆許以器盛於飯甑中蒸之候飯熟

出裹令患人側卧和綿拾一裹以油法滴入耳中久又以一裹依前法

千金方

治嗽嗽旦夕加重增寒壯熱少喜多嘆忽進退面色不潤積漸少食狀若肺脈強緊浮者杏仁

半斤去皮尖入於瓶內童子小便二斗浸七日了濾出去小便以煖水淘過於沙盆內研成泥別入瓶中以小便三升煎之如膏量其輕重食上熟水下錢匕婦人室女服之更妙

又方

主卒中風頭面腫忤杏仁如膏傅之

又方

治一切風虛常患頭痛欲破者杏仁去皮尖乾暴為末水九升研濾如作粥法緩火煎令如麻腐

起取和羹粥酒內一起服之每食前不限多少服七日
後大汗出慎風冷猪魚雞蒜大酢一劑後諸風減差春
夏恐酢少作服之秋九月後
煎之此法神妙可深秘之

又方

治鼻中生瘡疥杏
仁乳汁和傅之

又方

治頭面風眼瞤鼻塞眼暗冷泪杏仁三升
為末水煮四五沸洗頭冷汗盡三度差

又方

治破傷風腫厚傳
杏仁膏燃燭遙炙

又方

治痔蟲蝕鼻生瘡境
杏仁核壓取油傅之

又方

治喉痺杏仁熬熟杵丸如彈子
含熱其汁為末帛裹含之亦得

又方

治痔穀道痛取杏
仁熬重杵膏傅之

又方

治小兒大人欬逆七氣杏仁三升去皮尖炒令黃杵如膏蜜一升分為三分內杏仁杵令得所更內

一分杵如膏又內一分杵熟止先食含之燕汁

又方

治諸牙斷疼杏仁一百枚去皮兩仁以鹽方寸匕水一升漬令沫出含之未盡吐却更含之三度差

肘後方

治穀道赤痛熬杏仁杵作膏傅之良

又方

箭鏑及諸刀及在喉咽胃隔諸隱處不出杵杏仁傅之

梅師方

治食狗肉不消心下堅或服口乾忽發熱舌語方杏仁一升去皮水三升煎沸去滓取汁為三

服下肉為度

又方

主耳中汁出或痛有濃水熬杏仁令赤黑為末傅綿裏內耳中日三四度易之或亂髮裏塞之亦妙

又方

狗咬去皮尖杵傳之
之研汁飲亦佳矣

孫真人方

欲好聲杏仁一升熬去皮煎酥一兩蜜少
許為丸如梧桐子大空心米湯下十五丸

又方

杏味苦心
病宜服

又方

杏核仁傷筋損神其仁作湯如
白酥不解食之令氣壅身熱

食醫心鏡

主氣喘促浮腫小浸濕杏仁一兩去尖
皮熬研和米糞粥極熟空心喫二合

又方

主五痔下血不止去尖皮及雙仁水三升研
濾取汁煎減半投米糞粥停冷空心食之

又方

能下氣主嗽除風去野雞病杏仁一兩去皮尖雙
仁搥碎水二升研濾取汁於鍋中煎以杓攪勿住

手候三分減二冷呷之
不熟及熱呷即令人吐

勝金方

治久患肺氣喘息至効杏仁去皮尖二兩童子小便浸一日一換夏月一日三四換浸半月取

焙乾爛研令極細每服一棗大薄荷一葉蜜一雞頭大水一中盞同煎取七分食後溫服甚者不過三劑差水

不發動
忌腥物

廣利方

治眼中生胬肉用生杏仁七枚去皮細嚼吐於掌中及熱以綿裹筋頭將點胬肉上不過四五

差度

子母秘錄

治小兒臍赤用杏仁杵如脂內體中相和傳臍腫上

必効方

治金瘡中風角弓反張以杏仁碎之蒸令濕絞取脂服一小升煎以瘡上摩効

又方

治狐尿刺螫痛杏仁細研煮一兩沸水熱以浸螫處數易之

塞上方

治墜馬撲損瘀血在內煩悶取東引杏枝三兩細剉微熬好酒二升煎十餘沸去滓分為二服

空心如人行三四里再服

傷寒類要

治溫病食勞以杏仁五兩酢二升煎取一升服之取汗差

產寶方

治卒不得小便杏仁二七枚去皮尖炒黃米飲服之差

潞公藥準

治咽喉痺痛失音不語杏仁桂心各一兩同研勻用半熟蜜和如櫻桃大新綿裹非時含

此嚙津大効

修真秘旨云

杏不用多食令人目盲

又方

服杏仁者往往二三年或瀉或臍中出物皆不可治

左慈秘訣

杏金丹本出渾皇子亦名草金丹方服之壽二千二百年不死只是以杏仁成丹輕重如

金軟而可食因此立名從三皇後有得法者服之無有不得刀奚仲呂望彭祖皆煉之彭祖曰寧可見此方不用封王寧可見此藥不用封侯老子曰草金丹是衆仙秘要服皆得力只為作之者難世俗之人皆不信有神驗將聖人妄說作之者不肯精心潔淨浪有惡物觸犯藥即不成徒勞損廢又具益矣其造不得有聲瘡啞犬病及惡心人女子小人知見丹亦不成丹成無忌只是夏姬服之壽年七百乃仙去煉草金丹法從寅月修杏樹人罕到者良又以寅月鏹斷樹下地開圓陽氣通暢至二月草生以鋤除草恐損地力至三月離樹五步作畦龍洶成擬引天之暴雨以須遠栽棘遍欄勿使人跡畜獸踐踏只亢旱即泉源水洒潤其樹下初春有霜雪即樹下燒火以救之恐損花苞萼至五月杏熟收取當月旬內自落者去核取仁六斗以熱湯退皮去雙仁取

南流石三石和研取汁兩石八斗去滓并小美者亦得
取新鐵釜受三石已來作竈須具五嶽三台形用硃砂
圖畫之其竈通四脚去地五寸著燐不得絕稠恐下灰
不得其釜用酥三斤以糠火及炭然釜少少磨二斤酥
盡即內汁釜中釜上安盆盆上鑽孔用箏絃懸車轄至
釜底其孔以紙纏塞勿令泄氣初著糠火并乾牛糞火
一日三勤車轄以袞其汁五日有露液生十日白霜起
又二日白霜盡即有花出若見此候即知丹霜成開盆
用炭火炙乾以雄雞拂掃取以棗肉和為丸如梧桐子
大釜中獨角成者為上具釜口次也丹滓亦能治冷疾
服丹法如人喫一斗酒醉即喫五升喫一升者只喫半
并下藥取滿日空心煖酒服三九至七日宿疾除愈聲
喑育孽跛疝氣野雞癰氣風癰瘡腫萬病皆除愈
頭白却黑齒落更生張先即云二兩為一劑一劑延八
十年兩劑延二百四十年三劑通靈不死若為天仙一
萬年永忌房室若為地仙五十年三年忌房室若為室

仙一千五百年百日忌房室陳居士上表十月已後泥
爐造為雷息之時亦不用車馬轟闐聲何以十月造天
當二月起八月息初造丹時祭五嶽神仙地祇亦取童
子看火候二十四氣五星五行陰陽十二時取此氣候
用火丹乃成矣聖所服皆致長生久壽世人不能常
服或言此藥無效若精心確志必就神仙長年矣

衍義曰

杏核仁大傷人量所傷大小爛嚼沃破處以帛
繫定至差無苦又湯去皮研一二以水一升半

浸復絞取稠汁又生蜜四兩甘草一莖約一錢銀石器
中漫火熬成稀膏瓷器盛食後夜卧入少酥沸湯點一
匙七服治肺燥喘熱大腸秘潤澤五藏如無上證更入
鹽點尤佳杏實本經別無治療日華子言多食傷神有
數種皆熱小兒尤不可食多至瘡癰及上膈熱煎蓄為
乾果具深褐色核大而扁者為金杏此等須接其他皆
不達也如山杏輩只可收仁人有白杏
至熟色青白或微黃其味甘淡而不酸

安石榴



安石榴味甘酸無毒主咽燥渴損人肺不可多食酸實

殼療下痢止漏精東行根療蛇蟲寸白

陶隱居云石榴以花亦可愛故

人多植之尤為外國所重入藥維根殼而已其味有甜酸藥家用酸者子為服食者所忌臣禹錫等謹按蜀本

圖經云子味甘酸其酸者尤能止痢藥性論云石榴皮使味酸無毒能治筋骨風腰脚不遂行步掣急疼痛主

澀腸止赤白下痢一方取汁主目淚下治渴精根青者入染鬚方用陳藏器云石榴本功外東引根及皮主疣

蟲煎服子止渴花葉乾之為末和鐵丹服之一年變毛髮色黑如漆鐵丹飛鐵為丹亦鐵粉之屬是也孟詵云

石榴溫多食損齒令黑皮炙令黃杵末以棗肉為丸空腹三九日二服治赤白痢腹痛者取醋者一枚并子搗

汁預服段成式酉陽雜俎云石榴甜者謂之天漿能理乳石毒

圖經曰

安石榴舊云著所出州土或云本生西域陸機與弟雲書云張騫為漢使外國十八年得塗林

安石榴是也今處處有之一名丹若廣雅謂之若榴木不甚高大枝柯附幹自地便生作叢種極易息折其條盤土中便生花有黃赤二色實亦有甘酢二種甘者可食酢者入藥多食其實則損人肺東行根并殼入殺蟲及染鬚髮口齒等藥其花百葉者主心熱吐血及衄血等乾之作末吹鼻中立差崔元亮海上方療金瘡刀斧傷破血流以石灰一升石榴花半斤搗末取少許傅上擦少時血斷便差又治寸白蟲取醋石榴根切一升東南引者良水一升三合煮取入藥去滓著少米作稀粥空腹食之即蟲下又一種山石榴形頗相類而絕小不作房生青齋間甚多不入藥但密漬以常果或寄京下甚美

雷公云

凡使皮葉根勿令犯鐵若使石榴殼不計乾濕先用漿水浸一宿至明瀉出其水如墨汁

若使枝根葉並用漿水浸一宿方可用

肘後方

治赤白痢下水穀宿食不消者為寒可療酸石榴皮燒赤為末服方寸匕

百一方

治丁腫以針刺四畔用榴末着瘡上以麴圓四畔炙以痛為度內末傅上急裏經宿連恨自出

經驗方

治腸滑久痢神妙無比以石榴一箇劈破炭火簇燒令煙盡急取出不令作白灰用瓦瓶蓋一

宿出火毒為末用醋石榴一瓣水一盞煎湯服二錢瀉亦治

孫真人云

食之損肺

又方

治耳聾法以八九月取石榴一開上作孔如毬子大留罅子內米醋滿石榴中却以罅子蓋子然後

漉麴裏却石榴無令醋出糠灰火中燒麴熟藥成入少黑李子仙沼子末取水滴點耳內不得輒轉腦中痛勿

驚如此三夜又點
刷牙依前法佳

又方

糞前有血令人面色黃石
榴皮杵末茄子枝湯下

斗門方

治女子血脈不通用根束生者取一握炙乾
濃煎一大盞服之差婦人赤白帶下同治

廣利方

治吐血衄血以百葉石
榴花作末吹在鼻中差

十全方

治寸白蟲以醋石榴束引根一握淨洗細剉用
水三升煎取半碗已下去滓五更初溫服淨至

明取下蟲一大團永
絕根本一日喫粥補

古今錄驗

治冷熱不調或下帶水或赤白青黃者酸石
榴子五枚合殼舂絞取二升汁每服五合至

二升盡即斷小兒
以意服之二三合

衍義曰

安石榴有酸淡兩種旋開單葉花旋結實實中子紅孫枝甚多秋後經雨則自圻裂道家謂之

三尸酒云三尸得此果則醉河陰縣最多又有一種子白瑩澈如水晶者味亦甘謂之水晶石榴惟酸石榴皮合斷下藥仍須者木所結及收之陳久者佳微炙為末以燒粟米飯為丸梧桐子大食前熱米飲下三十至五十丸以知為度如寒消加附子赤石脂各一倍

梨



梨味甘微酸寒多食令人寒中金瘡乳婦尤不可食

隱陶

居云梨種復殊多病皆冷利俗人以為快果不入藥用
食之多損人也唐本注云梨削貼湯火瘡不爛止痛易
產只主熱嗽止渴葉主霍亂吐痢不止煮汁服之今按
別本注云梨有數種其消梨味甘寒無毒主客熱中風
不語人療傷寒熱發解石熱氣驚邪嗽消渴利大小便
又有青梨茅梨等並不任用又有象梨惟堪蜜食主
口乾生食不益人冷中不可多食臣禹錫等謹按孟詵
云梨除客熱止心煩不可多食又卒欬嗽以一顆刺作
五十孔每孔內以椒一粒以麝香於熱火灰中煨令熟
出得冷去椒食之又方去核內酥蜜麝香燒令熟食之
又取梨肉內酥中煎停冷食之又搗汁一升酥一兩蜜
一兩地黃汁一升緩火煎細細含咽凡治嗽皆須待冷
喘息定後方食熟食之反傷矣令嗽更極不可救如此
者可作羊肉湯餽飽食之便卧少時又胃中痞塞熱結

者可多食好生梨即通卒闇風失音不語者生搗汁一
合頓服之日再服止日華子云梨冷無毒消風療欬嗽
氣喘熱狂又除賊風習
中熱結作漿吐風痰

圖經曰

梨舊不著所出州土今處處皆有而種類殊別
醫家相承用乳梨鵝梨乳梨出宣城皮厚而肉

實其味極長鵝梨出近京州郡及北都皮薄而漿多味
差短於乳梨其香則過之欬嗽熱風痰實藥多用之其
餘水梨消梨紫煤梨赤梨甘棠梨兜梨之類甚多俱不
聞入藥也梨葉亦主霍亂吐下煮汁服亦可作煎治不
徐王效驗方主小兒腹痛大汗出名白寒疝濃煮梨葉
七合以意消息可作三四服飲之大良崔元亮海上方
療嗽單驗方取好梨去核搗汁一茶碗著椒四十粒煎
一沸去滓即內黑錫一大兩消訖細細含嚥立定又治
卒患赤目弩肉生卧痛者取好梨一顆持絞取汁黃連
三枝碎之以綿裹漬令色變仰卧注目中又有紫花梨

療心熱唐武宗有此疾百醫不效青城山邢道人以此梨咬汁而進帝疾遂愈後復求之苦無此梨常山忽有一株因緘實以進帝多食之解煩躁殊效歲久木枯不復有種者今人不得而用之又江寧府信州出一種小梨名鹿梨葉如茶根如小指大彼處人取其皮治瘡癰及疥癩云甚效八月採近處亦有但採其實作乾不聞藥入

食療云

金瘡及產婦不可食大忌

聖惠方

治小兒心藏風熱昏憒躁悶不能食用梨三枚切以水二升煮取汁一升去滓入粳米一合煮

粥食之

梅師方

治霍亂心痛利無汗方取梨葉枝一大握水一升煎取一升服又云正月二月勿食梨

錢相公

療蠟燭尿瘡黃水出
將梨汁傳之乾即易

又方

小兒寒疝腹痛大汗出
合頓服以意消息可作三四度飲之
濃煮梨葉汁七

又方

治中木毒取梨葉一把
熟杵以酒一盞攪服之

北夢鎖言

有一朝士見梁奉御診之曰風疾已深請速
歸去朝士復見鄴州馬醫趙鄴者復診之言

疾危與梁所說同矣曰只有一法請官人試喫消梨不
限多少咀齧不及絞汁而飲倒家旬日唯喫消梨頓與
矣

莊子

譬猶櫃梨橘柚耶其
味相反而皆可於口

魏文詔曰

真定郡梨甘若蜜脆
若菠可以解煩渴

衍義曰 梨多食則動脾少則不及病用梨之意須當斟酌惟病酒煩渴人甚之甚佳終不能却疾

檣 林



林檎味酸甘溫不可多食發熱澀氣令人好睡發冷痰

生瘡癰脈閉不行其樹似柰樹其形圓如柰六月七月

熟今在處有之

今附臣禹錫等謹按孟詵云林檎主止消渴陳士良云此有三種大長者為柰

國者林檎夏熟小者味澀為柰秋熟日華子云林檎無毒下氣治霍亂肚痛消痰

圖經曰

林檎舊不著所出州土今在處有之或謂之朱翁木似柰實比柰差圓六七月熟亦有甘酢二

種甘者早熟而味肥美酢者差晚須熟爛乃堪飲病消渴者宜食之亦不可多反令人心主冷痰今俗問醫

人亦乾之入治傷寒藥謂之林檎散

食療云

溫主穀劑洩精束行根治白蟲蛇蟲消渴好糖不可多食人林檎味苦澀平無毒食之開百脉

食醫心鏡

治水痢以十枚半熟者以水一升煎取一分和材擒空心食


子母秘錄

治小兒痢林擒搗子杵取汁服以意多與服之差

又方

小兒閃癖頭髮堅黃瘰癧羸瘦杵林擒末以和醋傅上癖和移處就傅之

蜀州李核仁



李核仁味苦平無毒主僵仆躋瘕血骨痛

根皮大寒主消渴止心煩逆奔氣

實味苦除癰熱調中

陶隱居云李類又多京口有麥李麥秀時熟小而甜肥核不入藥今

此用姑熟所出南居李解核如杏子者為佳凡實熟食之皆好不可合崔肉食又不可臨水上散之李皮水煎

含之療齒痛佳今按別本注云李類甚多有綠李黃李紫李生李水李並堪食味極甘美其中仁不入藥用有

野李味苦名郁李子核仁入藥用之臣禹錫等謹按爾雅云休無實李座接應李駁赤李釋曰李之無實者名

休郭云一名趙李座接應李郭云今之麥李與麥同熟因名云李之子赤者名駁藥性論云李核仁臣治女子

小腹腫滿主躋折骨疼肉傷利小腸下水氣除腫滿又云李根皮使若李者入用味鹹治脚下氣主熱毒煩躁

根煮汁主消渴孟詵云李主女人卒赤白下取李樹東面皮去皺皮炙令黃香以水三升煮汁去滓服之日再驗謹按生子亦去骨節間勞熱不可多食臨水食令人發癢瘡又牛李有毒煮汁使濃含之治蠱蝨脊骨有癰蟲可後灌此汁更空腹服一盞其子中仁主歧服研和麴作餅子空腹食之少頃當瀉矣日華子李溫無毒益氣多食令人虛熱人云李樹根涼無毒主赤白痢濃煎服苦平無毒治小兒壯熱疳疾驚癇作浴湯

圖經曰

李核仁舊不著所出州土今處處有之李之類甚多見爾雅者有休無實李李之無實者一名

趙李李座祖和切據慮李即今之麥李細實有溝道與麥同熟故名之駁亦李其子赤者是也又有青李綠李赤李房陵李朱仲李馬汗李黃李散見書傳美其味之可食陶隱居云皆不入藥用用姑熟所出南居李解核如杏子者為佳今不復識此醫家但用核若杏子形者根皮亦入藥用崔元亮海上方治面黥黑子取李核中

仁去皮細研以雞子白和如稀餚塗至晚每以沃漿洗之後塗胡粉不過五六日有效慎風

孫真人

肝病宜食

食醫心鏡

李味酸無毒主除固熱調中黃帝云李不可和藥食食之損五藏

衍義曰

李核仁其窠大者高及丈今醫家少用實合漿水食令人霍亂瀝氣而然今畿內小霍鎮一種

最佳堪入貢又有御李子如櫻桃許大紅黃色先諸李熟此李品甚多然天下皆有之所以比賢士大夫盛德及天下者如桃李無處不芬芳也別本注云有野李味苦名郁李子核仁入藥止自是郁李仁別是一種在木部中第十四卷非野李也

楊梅味酸溫無毒主去痰止嘔噦消食下酒乾作屑臨

飲酒時服方寸匕止吐酒多食令人發熱其樹若荔枝

樹而葉細陰青其形似水楊子而生青熟紅肉在核上

無皮殼生江南嶺南山谷四月五月採

今附臣禹錫等謹按孟詵云楊

梅和五藏能滌腸胃除煩憤惡氣切不可多食甚能損齒反筋亦能治痢燒灰服之日華子云楊梅熱微毒療

嘔逆吐酒皮根煎湯洗惡瘡疥癰忘生惹

圖經

火具梅實條下

陳藏器

止渴張司空云地瘴無不生楊梅者信然矣

食療

溫和五藏腹胃除煩憤惡氣去痰實亦不可久食損齒及筋也甚能斷下痢又燒為灰亦斷下痢甚

酸美小有勝白梅又白梅未乾者常含一枚點其液亦
通利五藏下少氣若多食之損入筋骨其酸醋之物自
是土使然若南方人北居否亦不食比地人南住梅
乃嗽多宜不是地氣鬱蒸令人煩憤好食斯物也

經驗後方


主一切傷損不可者瘡止血生肌無癰痕絕
妙和鹽核杵之如泥成挺子竹筒中收遇破

即填小可即傳之
此藥之功神聖

宋齊丘化書

梅擇杏而本
強者其實甘

桃胡



胡桃味甘平無毒食之令人肥健潤肌黑髮取瓤燒令
黑末斷煙和松脂研傅瘰癧瘡又和胡粉為泥拔白鬚
髮以內孔中其毛皆黑多食利小便能脫人眉動風故
也去五痔外青皮染髭及帛皆黑其樹皮止水痢可染
褐仙方取青皮壓油和麝糖香塗毛髮色如漆生北土
云張騫從西域將來其木春斫皮中出水承取沐頭至
黑今附臣為錫等謹按孟詵云胡桃不可多食動痰飲
除風令人能食不得併漸漸食之通經脈潤血脈黑
鬚髮又服法初日一顆五日加一顆至二十顆止之常
服骨肉細膩光潤能養一切老痔疾日華子云潤肌肉

並髮食酸齒
斷細嚼解之

圖經曰

胡桃生北土今陝洛間多有之大株厚葉多陰實亦有房秋冬熟時採之性熱不可多食補下

方亦用之取肉合破故紙持篩蜜丸朝服梧桐子大三十九又春壓撲損傷搗肉和酒溫頻服便差崔元亮海上方療石淋便中有石子者胡桃肉二斤細米煮漿粥一升相和頻服即差實上青皮染髮及帛皆黑其木皮中水春斫取沐頭至黑此果本出羌胡漢張騫使西域還始得其種植之秦中後漸生東土故曰陳倉胡桃薄皮多肌陰平胡桃大而皮肥急指則碎江表亦嘗有之梁沈約集有謝賜樂遊園胡桃啓乃其事也今京東亦有其種而實不佳南方則無

孫真人

食動疾吐水

梅師方

治火燒瘡取胡桃燒
令黑杵如脂傅瘡上

衍義曰

胡桃發風陝洛之間甚多外有青皮色之胡桃
乃核也核中穰為胡桃肉須如此說用時須以

湯剥去肉上薄皮過夏至則不堪食有人患酒瘡風鼻
上赤將椅子核微炒為末每用一錢匕研胡桃肉一箇

同以溫酒調
服以知為度

獼猴桃味酸甘寒無毒止暴渴解煩熱冷脾胃動洩辟

壓丹石下石淋熱壅反胃者取汁和生薑汁服之一名

藤梨一名木子一名獼猴梨生山谷藤生著樹葉圓有

毛其形似雞卵大其皮褐色經霜始甘美可食枝葉殺

蟲煮汁飼狗療癰也

附今

陳藏器

味鹹溫無毒主骨節風癰緩不隨長年變白野雞肉瘡病調中下氣皮中作紙藤中汁至

滑下石淋主胃開取汁和生薑汁服之佳

食療

候熱收之取藕和蜜煎作煎去人煩熱久食亦得令人冷能止消渴

衍義曰

獼猴桃今永興軍南山甚多食之解寶熱過多則令人藏毒洩十月爛熟色淡綠生則甚酸子

繁細其色如芥子枝條柔弱高二三大多附木而生淺山傍道則有存者深山則多為猴所食

海松子味甘小溫無毒主骨節風頭眩去死肌變白散

水氣潤五藏不飢生新羅如小栗三角其中仁香美東

夷食之當果與中土松子不同

今附臣禹錫等謹按日華子云松子逐風痺寒

氣虛羸少氣補不足潤皮膚肥五藏束人以代麻腐食用

海藥云

去皮食之甚香美與雲南松子不同雲南松子似已丑其味不原多食發熱毒松子味甘

美大溫無毒主諸風溫腸胃久服輕身延年不老味與卑占國偏桃仁相似其偏桃仁用與北桃仁無異是也

柰味苦寒多食令人臃脹病人尤甚

陶隱居云江南乃有而北國最

豐皆作脯不宜人有林檎相似而小亦恐非蓋人也今注有小毒主耐飢益心氣臣禹錫等謹按孟說云柰主補中應諸不足氣和脾卒患食後氣不通生痔汁服之日華子云柰冷無毒治飽食多肺壅氣脹

圖經

大具林檎條下

食醫心鏡

柰子味甘苦寒滋無毒主
忍飢益心氣多食虛服

菴羅果味甘溫食之止渴動風氣天行病後及飽食後

俱不可食之又不可同大蒜辛物食令人患黃病樹生

狀若林檎而極大

今附臣禹錫等謹按陳士良云微寒
無毒主婦人經脈不通丈夫營衛中

血脈不行久食令人不肌葉
似茶葉可以作湯療渴疾

衍義曰

菴羅果西洛甚多亦梨之類也其狀亦梨先諸
梨熟七夕前後已堪嚼色黃如鵝梨纔熟便鬆

軟入藥
絕希用

泉州橄欖



橄

音

欖

音

味酸

甘溫

無毒

止消

酒療

鰓

音

鮎

音

怡

毒

人悞

食此魚肝迷悶者可煮汁服之必解其木作橄撥著魚

皆浮出故知物有相畏如此也

核中仁研傅唇吻燥痛其樹似木槌子樹而高端正其

形似生訶子無稜瓣生嶺南八月九月採又有一種名

次斯橄欖色類亦相似其形核作二瓣可以蜜漬食之

生邕州

今附

臣禹

錫等

謹按

孟說

云橄

欖主

鰓鮎

毒汁

服之

中此

魚肝

子毒

人立

死惟

此木

能解

生嶺

南山谷樹大數圍實長寸許其子先生者向下後生者漸高八月熟蜜藏極緝日華子云橄欖開胃下氣止瀉

圖經曰

橄欖生嶺南今閩廣諸郡皆有之木似木櫟而高且端直可愛秋晚實成南人尤重之咀嚙之

滿口香久不歇生嗽及煮飲並解諸毒人誤食雖鮐肝至速悶者飲其汁主羶山野中生者子繁而木峻不可梯緣但刻其根下方寸許內鹽於中一夕子皆落木亦無損其枝節間有脂膏如桃膠南人採得并其皮葉煎之如黑飴謂之攪糖用膠船著水益乾牢於膠漆邕州又有一種波斯橄欖與此無異但其核作三瓣可蜜漬之食

皆陳藏器云

樹大圓實長寸許南方人以爲果生實味酸南州異物志曰橄欖子緣海浦嶼間生

實大如軸頭皆反垂向下實先生者向下後生者漸高南方草木狀曰橄欖子大如棗八月熟生交趾

海藥

謀按異物志云生南海浦嶼間如高大陰其實如棗二月有花生至八月乃熟甚香橄欖木高大難

抹以鹽搥木身
則其實自落

衍義曰

椒攪味澁食久則
耳嚼汁熱治魚鯁

梔 梔



梔梔味甘甘微溫無毒主溫中下氣消食除心間醋水

去臭辟衣魚生北土似櫛子而小

今附臣禹錫等謹按陳士良云發毒熱秘

大小腸聚胃中痰壅不宜多食
泄血脈曰華子云除煩渴治氣

圖經曰

梔梔舊不著所出州土今閩陝有之沙苑出者
更佳其實大抵類櫛但膚慢而多毛味尤甘治

胃腸中積食去醋水下氣止渴欲卧嗽一兩枚而寢生
熱皆宜櫛子處處有之孟州特多亦主霍亂轉筋並煮
汁飲之可敵木瓜常食之亦去心間醋痰皮膚疥可傳
瘡上黃水實初無時其氣芬馥人將致衣笥中亦香

陳藏器云

樹如林檎
花白綠色

衍義曰

梔梔食之須淨去上浮毛不爾損人肺花亦香
白色果中惟此多土產少有不艸者圖經言欲

卧敢一兩枚而寢如
此恐太多痞塞胃脘

榛子味甘平無毒主益氣力寬肌胃令人不肌健行生

遼東山谷樹高大許子如小栗軍行食之當糧中土亦

有鄭注禮云榛似栗而小關中廊坊甚多

今附臣禹錫等謹按日華

子云新羅榛子肥白仁止飢調中開胃甚驗

圖經文具栗
條下

一十三種陳藏器餘

靈牀上果子主人夜卧讌語食之差也

無漏子味甘溫無毒主溫中益氣除痰嗽補虛損好顏色令人肥健生波斯國如棗一云波斯棗

海藥

樹若栗木其實如棗子有三角消食止欬嗽虛羸悅人久服無損也

都角子味酸澁平無毒久食益氣止洩生南方樹高大餘子如卵徐表南州記云都角樹二月花花蓮著實也

海藥云

謹按徐表南州記云生廣南山谷二月開花至夏末結實如卵主益氣安神遺洩痔溫腸

久服無所損也

丈林郎味甘無毒主水痢去煩熱子如李或如林檎生

渤海間人食之云其樹從河中浮來拾得人身是文林郎因以此為名也

海藥云

又南山亦出彼人呼楹棒是味酸香微溫無毒主水瀉服虛煩熱並宜生食散酒氣也

木威子味酸平無毒主心中惡水水氣生嶺南山谷

樹葉似

闊

子如橄欖而堅亦似棗也

摩廚子味甘香平無毒主益氣潤五藏久服令人肥健生西域及南海子如瓜可為茹異物志云木有摩廚生自斯調厥汁肥潤其澤如膏馨香異常可以煎熬彼州

之人仰以為儲斯調國名也

食療云

謹按異物志云生西域二月開花四月五月結實如瓜許並氣安神養血生肌久服健人

也

懸鉤根皮味苦平無毒主子死腹中不下破血殺蟲毒
卒下血婦人赤帶下久患痢不問赤白膿血腹痛並濃
黃服之子如梅酸美人食之醒酒止渴除痰唾去酒毒
莖上有刺如鉤生江淮林澤取莖燒為末服之亦主喉
中塞也

鈎栗味甘平主不飢厚腸胃令人肥健子似栗而圓小
生江南山谷樹大數圍冬月不凋一名巢鈎子又有雀
子小圓黑味甘久食不飢生高山子小圓黑又有櫛音諸
子小於橡子味苦澀止洩痢破血食之不飢令健行木
皮葉煮取汁與產婦飲之止血皮樹如栗冬月不凋生
江南子能除惡血止渴也

石都念子味酸小溫無毒主痰嗽噦氣生嶺南樹高大餘
葉如白楊花如蜀葵正赤子如小棗蜜漬為粉甘美益

人隋朝植於西苑也

君遷子味甘平無毒主止渴去煩熱令人潤澤生海南樹高丈餘子中有汁如乳汁吳都賦云平仲君遷

海藥云


謹按劉斯交州記云其實中有乳汁甜美香好微寒無毒主消渴煩熱鎮心久服輕身亦

得悅人顏色也

韶子味甘溫無毒主暴痢心腹冷生嶺南子如栗皮肉核如荔枝廣志云韶葉似栗有刺斫皮內白脂如豬味甘酸亦云核如荔枝也

探子味甘澁平無毒生食主水痢熟者和蜜食之去嗽
子似梨生江南吳都賦云探榴禦霜是也

諸果有毒桃杏仁雙有毒五月食未成核果令人發癰
節及寒熱又秋夏果落地為惡蟲緣食之令人患九漏
桃花食之令人患淋李仁不可和雞子食之患內結不
消



證類本草卷二十三